

Augustus 6, 2020

www.awemainta.com

www.facebook.com/awemainta

noticia@awemainta.com

583-1400



AWEMainta

PROME MINISTER TA CONFIRMA 39 CASO NOBO

Sigui lesa na pagina 4

ULTIMO INFORMACION

Casonan di Corona Virus na Aruba pa **5 di Augustus 2020**



**INVEST
SECURE**



We don't just say it ... We Guarantee it !!!

You can focus on your business


If you leave your security protection up to us.

Call 582-7252 for a free presentation.

Email: insec@setarnet.aw



5/8/2020	TOTAL	RESIDENTE	NO-RESIDENTE
Positivo	171	157	14
Negativo	8386	-	-
Activo	56	52	4
Recupera	112	102	10
Getest	8557	-	-
Getest na Airport	5490	-	-
Morto	3	3	0



Payroll Pro
HRM

The #1 Payroll Software in the Caribbean

- Easy to Use & Always Accurate
- Complete Integration of HRM & Payroll
- 24/7 Support from Local Specialists
- Best Value for Price
- All Types & All Sizes of Companies incl. Government



Tel. 583-7072 | info@vcc-int.com | www.vcc-int.com

Avioneta desapareci a cay den Lago di Maracaibo, Venezuela



Oswaldo Enrique Bislick Weeden

E piloto di e avioneta N17JE tipo Cessna 401, Oswaldo Enrique Bislick Weeden, (Un fam Arubiano/Hulandes, pero segun publicacion ta Venezolano) cu tabata desapareci, lo a cay den Lago di Maracaibo na 15 miya di Aeropuerto di Santa Barbara de Barinas na Venezuela.

E esposa di e piloto Venezolano, a declara cu Bislick a comunica cune via di un yamada satelital, indicando cu e ta hayando su mes den Lago di Maracaibo hunto a otro piloto, y cu nan ta riba e avioneta y cu é tin golpi na su cabez, y e otro tin golpi den pecho.

Asi mes, e señora di Bislick a duna di conoce cu e avioneta ta zink te na mitar, y a agrega cu nan ta mirando e avionnan militar, pero cu nan aparentemente no ta mirando nan. E señora a indica cu su esposo a duna di conoce cu nan tin mester di ser rescata. Ta di spera cu e avionnan militar por sobrebula Lago di Maracaibo pa por mira nan.



E avioneta desapareci for di diadomingo tabata bolbiendo di Barahona for di Puerto Plata ta di nacionalidad Venezolano y su plan di buelo ta haciendo mencion cu nan a bay pa haci un mantenimiento.

E avióneta aki a lanta buelo 5:18 di diasabra atardi di provincia di Cibao rumbo sur y, según e Instituto Dominicano de Aviación Civil (IDAC), a informa cu e Aeropuerto di Barahona ta cera, pa cual a inicia su regreso y a desaparece for di radar.

LESA AKI UN RELATO DI CESAC

Puerto Plata.- Airport and Civil Aviation Security (CESAC) director Aracenis de la Cruz, confirmed Mon. the arrest of three foreign pilots who tried to fly a plane with forged documents through the Luperon International Airport in Puerto Plata. The three pilots of Venezuelan and Mexican nationality were arrested by CESAC officers at Luperón, as they tried to board the aircraft, bound for the island of Grenada. The detainees were identified as the Venezuelan Oswaldo Enrique Blislick Weeden, and the Mexican Daniel González Moreno and another unidentified, who was later released. === El piloto Bislick fue arrestado en 2019 en Puerto Plata por presentar documentos alterados..... aqui hay gato encerrado.

🕒 2 agosto, 2020



Awor cu un miembro di Controlador Aereo a test positive

Tin temor cu Aruba por keda sin profesional pa yuda baha y subi avion

ULTIMO INFORMACION

Casonan di Corona Virus na Aruba pa **5 di Augustus 2020**

Select English Below

5/8/2020	TOTAL	RESIDENTE	NO-RESIDENTE
Positivo	171	157	14
Negativo	8386	-	-
Activo	56	52	4
Recupera	112	102	10
Getest	8557	-	-
Getest na Airport	5490	-	-
Morto	3	3	0

ORA cu tur hende a tuma nota di e aumento drastico di Covid-19, por a sinti un panico den comunidad. Tin hasta hopi noticia fake riba social-media, dunando di compronde cu Covid-19 ta presente tur rond di Aruba. Ta masha hopi departamento di Gobierno a dicidi di laga nan hendenan test, etc.

Asina p.e. den Tore di Control tin un preocupacion grandi, ora cu un di nan coleganan a test positivo. E colega aki tabatin contacto cu casi tur hende den Tore di Control y pa no bisa cu su relacionnan den comunidad.

Kier men e por a plama e virus aki tur rond. Nan tur den Tore di Control ta puntra nan mes, kico Management ta bay haci? Management ta bisa cu nan ta sigui conseho di DVG.

Den Tore di Control, mayoria di esnan cu ta emplea eyden ta sumamente preocupa. Nan por spera problema serio cu salud di nan tur. Nan por keda hasta sin Controlador Aereo y kende lo haci e trabao e ora ey? E situacion ta birando alarmante. Paso-bra hopi di nos propio hendenan no kier sigui conseho y ta pega cu e virus.

Minister Dangui Oduber a anuncia cu

Ta sera tur nightclub, pasobra nan no a cumpli cu e protocolnan pa evita Covid-19

MASKE cu Minister Dangui Oduber ta bisa cu te cu ayera a bin 28 caso di Covid-19 aserca, yegando na un total di casi 40. Maske cu Minister Dangui Oduber ta haya cu no ta motibo pa panico, pero e solo hecho cu ta pidi pa tur hende cuminsa usa tapaboca, cu ta birando masha scars, ta causa mas preocupacion ainda.

Minister di Salud a splica cu ultimo dianan como ta 4 turista so a test positivo, for di momento cu a habri frontera. Ayera 90 persona a haci test, kendenan a bishita e establecimentonan nocturno y esaki a causa cu un 28 caso positivo nobo, cu ta yega na casi 40 caso. E ta un preocupacion pa Gobierno. Gobierno no kier tuma medida manera a haci na maart ultimo. Ta keda pa nos propio hendenan di sa di comporta nan mes y sigui e protocolnan.

Gobierno no kier tuma medida drastico, pasobra e lo afecta economia di Aruba. Te awor no tin hende interna den ICU den Hospital. Loke DVG, nan kier sa e fuentenan di origen di plamamento di e virus. Maske cu ta preocupante, ta spera cu pa awe lo tin mas caso di contagio por keda registra, mirando e cantidad di hende cu a pasa test ayera.

E establecimentonan nocturno no a sigui e protocol, Gobierno a dicidi di laga sera tur nightclub por lo pronto pa evita un shutdown afectando otro negoshinan. Tur mester a sera pa 11 or di anochi, y asina mes, hopi di nan tabata contra y kier hasta di expande e horario. Cu e poco ora mes, pa falta di comportacion civico, a pone cu e virus a plama asina liher. Laga nos cuida nos hendenan mas vulnerable, cu por ta den nos propio famia.

Prome Minister ta confirma 39 caso nobo



DIARANSON merdia Prome Minister Evelyn Wever-Croes a confirma 39 caso nobo di Coronavirus na Aruba. Esaki ta haci e total di casonan activo na 56. Esaki, Prome Minister a expresa ta algo hopi preocupante, pero hopi mas decepcionante.

Mayoria di e casonan nobo ta personanan bou di 40 aña. Esaki ta un indicacion cu e virus ta mas activo den nos hoben y nos hobennan ta hopi activo tambe cu por plama e virus rond mas liher.

Prome Minister a expresa cu e ta lamenta cu tin asina hopi caso, pasobra nan tin di haber cu e hecho cu nos como Arubianonan madura, especialmente den nightlife, no por a carga nos responsabilidad despues cu desde 13 di maart ta bin ta prepara y duna informacion tocante esaki.

“Mi tabata bay tur dia, despues 3 biaha pa siman pa splica con importante ta pa aplica distancia di otro hende. Con importante ta pa na camindanan unda cu ta bishita pa tuma drinks, pa keda aleha di hende. Y tambe mi a splica cada biaha con importante ta pa nos manda hende cas 11or di anochi pa evita cu e comportacion di ciudadanonan bira mas irresponsabel despues di e orario aki.

E medida di cera 11or di anochi, a ocasiona hopi critica den direccion di Gobierno di Aruba. Hopi t’esnan cu no a haci caso di e medida di disciplina aki. Y awe nos ta pagando e cuenta. Y e cuenta ta hopi halto”, Prome Minister a bisa. Aruba ta bibando un situacion hopi preocupante cu Gobierno di Aruba mester atende cu ne apesar cu Gobierno a y ta prepara p’e. Cu e vision y strategia di profesionalnan, Gobierno a prepara pa scenarionan mas pio cu esaki.

“Nos tin un situacion na unda e cantidad di casonan ta aumenta drasticamente pasobra 2 siman atras nos mesun hendenan no por a mantene nan mes na disciplina. N’e momentonan aki, tin hopi panico den nos comunidad. Centenares di hende ta yamando nan doctor di cas, Centro di Diagnostico y 911 pa haci test y ta desespera cu telefonnan ta ocupa constant. Sinembargo dos siman atras no a tene cuenta cu e reglanan cu a keda vigente. Prome Minister ta haci yamada na tur esnan cu a bishita e lugarnan cu a wordo anuncia y awor ta den panico of a bin den contacto cu un persona cu ta positivo, pa haci lo siguiente:

Tuma cuarentena boluntario. Uza mondmasker. Keda paden den isolacion. Yama bo dokter y splic’e cu bo a bin den contacto cu persona cu a test positivo of a bishita un di e lugarnan aki. Indica na bo dokter si bo tin sintoma pa asina bo doctor haci un cita pa bo haci e test. Den e siguiente dianan, trahadonan di e establecimentonan menciona lo ta haciendo test pa cua motibo bo lo mester mantene bo mes na e puntonan aki, mientras bo ta warda ki dia bo por haya cita pa haci test.

Den caso cu un persona tin sintomanan hopi fuerte entre otro no por hala rosea y tin problema serio di salud y mester asistencia medico, e lo por wordo yuda mas liher.

“N’e momentonan aki, nos mester muestra tranquilidad y no bay den panico. Ta di lamenta cu un grupo den nos comunidad no tabatin disciplina y no a atene na reglanan vigente. Esaki no kiermen cu tur cos ta perdi. Nos a prepara y ta bon prepara p’e situacion aki. Te ainda nos ta bayendo mihor di loke nos a proyecta y prepara pe.

Pero awor ta importante pa nos keda tranquil cu cabes frieu y keda alerta y cu mas disciplina. Esaki kiermen cu di awor en adelante, mi ta pidi cada ciudadano pa cuida bo mes, cuida bo famia. Respeta e reglanan cu ta keda na vigor: laba man mas tanto posibel cu habon, uza handsanitizer ora no por laba man, tene distancia di otro, no duna man, no mishi, uza mondkapje unda bo no por mantene distandi di 1.5 meter y si bo tin sintoma, sigui e instruccioonnan duna.

Laga nos ta disciplina awor si y keda cu cabes frieu pa nos atende cu e retonan nos dilanti. E retonan ta grandi pero no mas grandi di loke ya caba nos a pasa aden. E prome parti di Covid-19 tabata hopi mas serio di loke nos ta bibando awor. Pero ban evita p’e bira mas serio y tuma accion.

Mi ta conta riba e responsabilidad civico di cada ciudadano di nos pais pa nos logra esaki. Nos ta un pais hopi orguyoso di nos logronan. Ban demonstra mundo henter cu nos sa con pa bringa e virus aki tambe”, Prome Minister indica.



Directie Telecommunicatie Zaken (DTZ) ta informa riba uzo obligatorio di mondkap

SIGUIENDO e protocolnan di prevencion cu autoridadnan di salud local y Gobierno di Aruba a instrui, Direccion di Asuntonan di Telecomunicacion, DTZ, ta exige uzo di un mondkap na momento cu bishita nan instalacionnan.

Di e manera aki nos ta yuda nos mes y otronan pa preveni di contrae e virus di Covid-19. Hunto so nos lo logra baha y mantene e cantidad di contagion controla.

Mondkapje den espacio publico di biblioteca



GERENTE di Biblioteca Nacional Aruba (BNA) a scohe pa e proteccion optimal pa tur bishitante y su empleadonan. BNA ta cambia su protocolnan un poco. A dicidi di pidi tur hende bisti un tapaboca / mondkapje den espacio publico di biblioteca. Esaki banda di e otro medidanan di precaucion manera, por ehempel, uso di sanitizing gel na entrada. Bistimento di un tapaboca ta obligatorio pa tur bishitante di 12 aña bay ariba. Esaki te un proximo aviso.

Profesionalnan di SVb a pasa controla edificio central di Biblioteca Nacional Aruba y implementacion di tur protocol ta bayendo bon pa percursa cu tur hende por mantene e distancia di minimo 1 meter y mey. Gerente ta sinti sigur pa cu esaki pero como cu tin algun caso activo di Corona riba nos isla ta prefera di bay na e proteccion maximo. Gerente ta keda sigui e desaroyonan.

Ta pidi comprension pa e medida aki. Ta pidi bishitante pa bin biblioteca cu nan mondkapje (tapaboca), si a lubida esaki por cumpra uno na entrada. Masha danki pa e cooperacion.



Por favor uza un tapaboca na momento cu drenta nos edificio.

Conforme e ultimo desaroyonan relaciona cu COVID-19 y escalacion di medidanan, nos ta pidi tur cliente cu bishita Banco di Caribe pa uza un tapaboca na momento cu drenta nos edificio.

E tapaboca ta obligatorio pa tur bishitante y mester ta poni prome cu drenta banco.

Nos tin interes di tur hende na pecho y nos ta urgi pa sigui instruccion di Gobierno di keda mantene e distancia social y pa keda safe na tur momento.

Consumidornan tabata menos negativo pa locual ta nan situacion financiero na cas

Confiansa di consumidor ta mehora durante e di dos trimester di 2020

COMO consecuencia di e pandemia di Covid-19 y re-apertura di frontera, e indice di e confianza di consumidor tabata menos pesimista como cu e confianza di consumidor ta subi un poco te na 92, un subida di 0,3 punto di indice, durante e di dos trimester di 2020.

Mientras consumidornan a raporta di ta mas positivo encuan to nan situation financiero na cas, preocupacion encuan to nan estado di salud personal ta sigui.

Na final di e di dos trimester, e preocupacion mas grandi di consumidornan t'e condicionnan economico actual (88%) y e posicion financiero di Gobierno (85%), sigui pa inseguridad di empleo (77%). Mas cu dos tercera parti di e consumidornan (69%) a indica cu nan ta preocupa pa nan estado di salud, mientras 72% di consumidor a raporta cu nan no lo tin problema pa cumpli cu nan necesidadnan basico.

Mayoria di consumidor ta premira cu nan situacion financiero na cas lo empeora (55%), a pesar cu e percepcion aki a baha compara cu e trimester anterior (66%).

Durante e di dos trimester di 2020, e indice di e situacion actual a midi 90,6, mientras cu e indice di expectativa a registra 93,3, for di 92,3 den e trimester anterior. Compara cu e promer trimester, consumidornan tabata un poco mas menos pesimista pa locual ta nan futuro. Sin embargo, casi 80% di consumidornan ta kere cu e impacto di e pandemia di Covid-19 lo dura mas cu 9 luna.

Durante e di dos trimester, 81% di consumidor a raporta cu compra di un auto no tabata apropiada. Cerca di 78% di consumidornan a indica cu haci un prestamo of bay cu vakantie no ta responsabel actualmente, mientras cu solamente 18% a considera pa compra aparatonan grandi electrico pa uso domestico.

Consecuentemente, e indice di habito di consumidor a para na 92, un subida marginal di 0,4 punto di indice den e di dos trimester. Informacion adicional riba e encuesta di confianza di consumidor ta disponibel riba website di CBA (<https://www.cbaruba.org/>).

WIRELESS BROADBAND PREPAID

Cumpra bo plan
y ricibi awo
MAS DATA!

Plan

Prijs

Data

1 Dia	Afl.10,-	4 GB
1 Siman	Afl.35,-	11 GB
2 Siman	Afl.45,-	15 GB
30 Dia	Afl.99,-	35 GB

*Bay riba www.setar.aw/store pa cumpra bo plan di data.



SETAR

setar.aw | Teleshops

Roger Schimmel & Douglas Rey, awor na cabes di Century 21

Despues di 24 aña di actividad fructifero den e area di Real Estate na Curacao y Aruba, Rene van der Spaan a tuma un decision pa bende su interes den Century 21 Aruba Real Estate, mientras mantenendo su mes riba board manera Sales Associate y Senior Advisor na gerencia.

Rene v/d Spaan ta reporta cu Century 21 ta su orguyo y felicidad desde cu a habri su portanan mas cu 10 aña atras caba, ora cu el a crea e one-stop-shop pa tur transaccion di real estate, compra, benta, rent, of renting out. E oficina centralmente localisa na Noord, cu un staff di profesional cu experiencia, ta haci real estate musta facil y hasta leuk.

Den buskeda pa un sucesor perfecto, v/d Spaan ta splica, e tabata buscando pa talento local, un ehecutivo cu experiencia, confiabel y dinamico, cu entusiasmo pa tuma su compania stima over. Douglas Rey, kende tabata Managing Director

caba desde october 2019, y v/d Spaan, a dicidi na acerca Roger Schimmel, e tempo ey, Comercial Manager pa Citizen Insurance na Aruba y Curacao. Hunto nan a discuti posibel afiliacion, anto e interes a transforma den un acuerdo formal, un takeover di Century 21 por medio di Roger Schimmel y Douglas Rey.

Schimmel ta splica cu e tabata buscando pa un cambio significativo trahando den e sector di seguro pa henter su bida caba, prome manera Managing Director na Ennia, despues pa Ohra Mortgage Bank, y recientemente pa Citizen Insurance, na ambos isla.

Schimmel su experiencia den desaroyo di real estate y financiamiento di real estate, a haci cu el a bira e candidato perfecto p'e takeover, specialmente den bista di su puesto excelente den comunidad, su tremendo reputacion, y su conocimiento amplio riba e tema – e tambe ta un docente



na Universidad di Aruba, brindando lectura riba Insurance Management.

Douglas Rey a termina su estudionan di International Business & Management na Hulanda y tambe a haya su mes den e industria di real estate desde 2013, prome cu el a join Century 21 Aruba Real Estate. E tin experiencia solido den real estate riba e isla, y ta provee un liderazgo fuerte y skills ideal den loke ta management na e team.

Na banda di esaki, v/d Spaan ta desea e gerencia nobo tur cos bon den mantene e compania su posicion lider den mercado di real estate na Aruba.



Women's Club of Aruba (WCA) tabata tin su ceremonia di Student Awards dia 11 di juli ultimo, caminda a honra e miho graduadonan di pais Aruba.

Dos hoben no por a haci acto di presencia, pasobra nan scol mes tabata tin entregamento di diploma e anochi ey.

Sinembargo despues cu e evento a tuma luga, comision di Student Awards di WCA a honra e miho graduadonan di Colegio EPI Unit Hospitalidad & Turismo den persona di Charmaine Valerie, e miho den Associate of Science degree (A.S.) y Jianwen Lu, e miho den Associate of Applied Science degree (A.A.S.).

Cu esaki WCA ta desea e dos hobennan aki hopi exito cu nan siguiente decision. Masha pabien!

Women's Club of Aruba a honra dos miho graduado di EPI



Minister Dangui Oduber

Nos kier evita tuma mas medida, pero mester cooperacion di comunidad



“COMO Minister di Salud mi mester expresa mi preocupacion awe p’e situacion actual cu tin. E no ta motibo pa panico, pero si pa ta alerta”, asina Minister Dangui Oduber a duna di conoce.

“E ta preocupante na momento cu tin mas cu 10 contagio local den apenas 2 dia. E transmision local aki naturalmente tabata algo cu nos no tabata desea, pero tanten cu Covid-19 tey na mundo esaki ta keda un posibilidad semper. Despues di mas cu 2 luna y mei sin transmision local awe e situacion a cambia y ta diferente”.

Segun Minister Dangui Oduber, e proximo dianan y simanan ta hopi determinante pa nos salud y economia di nos pais. Nos como Gobierno a opta pa tuma accion di inmediato pa evita cu nos mester tuma mas medida. Nos kier percura pa nos por mantene gran parti di nos economia ta draai. Nos kier evita cu nos mester tuma mas medida cu e consecuencia cu nos economia lo wordo paraliza un bes mas cu tur hende sa con devastador esaki lo ta. Nos comportacion como ciudadano y pais ta determinante con nos lo sigui padilanti. Nos kier ta hopi cla den esaki.

Nos kier evita tuma mas medida.

“Nos no por bay riba lockdown mas. Nos no por bay shelter in place mas. Nos no por bay toque di queda mas. Tur e medidadanan aki ta hopi extremo, pero si tin e urgencia y necesidad pa salvaguardia salud di nos hendenan nos lo mester haci’e y no lo duda. Salud ta keda na prome lugar, pero nos ta keda busca e mihor balansa entre salud y economia.

Nos ta consiente cu e medidanan tuma ayera ta afecta algun sector di nos economia, pero e ta necesario pa evita medidanan mas drastico cu lo afecta TUR sector di nos economia.

For di ayera nos mester ta mas alerta. For di prome cu nos a dicidi di habri nos fronteranan nos a traha riba nos opschalingsplan. Esaki t’e plan cu ta determina ki ora ta necesario pa cuminsa tuma decisionan pa preveni cu tin mas contagio y pa limita e riesgo di contagio. Naturalmente nos kier evita cu nos mester tuma medidanan drastico, pero nos no lo duda pa tuma accion si tin e necesidad.

E opschalingsplan ta wordo determina pa 8 parameters. 1. Capacidad di ICU: 2. Capacidad di NON-ICU: 3. Cantidad di casonan activo: 4. Cantidad di areanan di isolacion y cuarentaine: 5. Cantidad di capacidad di test na Lab HOH: 6. Capacidad di intake y contact tracing capacity: 7. Cantidad y capacidad di swabs pa dia: 8. Origin di infeccion.

Un di medidanan cu nos a tuma ta pa fuertemente recomenda e uzo di mask den areanan caminda no por mantene distancia di 1.5Meter.

Si bo ta bay den contacto cu un persona cu tin Covid-19. P.e. si den un cas tin otro persona contagia cu ta isola.

Tur profesion cu no por mantene 1.5 meter di distancia; por pensa riba caheronan, dunadornan di cuidu, waiters, trahadornan social.

Den tur area publico manera supermarket, ofcinan sera, misa, tiendanan, restaurant. Cu otro palabra tur estableciemnto of oficina paden cu airco. Tur persona riba 60 aña di edad. Tur persona cu tin un condicion fisico manera diabeticonan, hendenan cu tin problema cu curason, problema pulmonar, cancer. Tur persona den transporte publico.

Ta hopi importante pa tur hende bira consiente cu Covid ta den nos comunidad.

Nos mester tin e disciplina awor pa evita cu mas hende ta wordo contagia. E ta den nos man con nos ta sigui e proximo dia y simannan nos dilanti.

Nos mester sigui e protocolnan. Sigui mantene distancia. Sigui laba man continuamente. Sigui guidelines.

Ban nos tur hunto percura p’e disciplina cu t’asina importante pa mantene nos economia habri y evita cu Covid-19 ta sigui plama den nos comunidad.

Ban pensa riba esnan vulnerabel y ban cuida nan. Cuida bo mes, sea responsabel, demostra disciplina y cuida bo famia y sernan keri. Percura pa hiba un bida saludabel, haci ehercicio, come saludabel y boost bo sistema inmunologico. Nos mester maneha Covid y no laga Covid maneha nos”, tabata e mensahe di Minister Dangui Oduber.



Benny Sevinger miembro di fraccion di AVP diamars ultimo a reacciona riba declaracionnan haci pa Prome Minister Evelyn Wever Croes, riba e crisis cu su Gobierno ta pasando aden y e ola di corrupcion cu Minister Marisol Lopez Tromp a divulga di su Gobierno. Señor Sevinger a enfatisa cu ningun momento ningun miembro di partido AVP, lo a sugeri pa forma un Gobierno nobo cu partido MEP, pero ta un expresion cu a sali for di ex lider di partido MEP, Nelson Oduber.

“Na momento cu Prome Minister ta bay prensa y insinua cu lo tin un probabilidad pa un Gobierno AVP-OLA, sabiendo cu ningun miembro di AVP a haci un declaracion semehante, e ta muestra di con su Gobierno ta den e situacion cu e ta n’e momentonan aki. Ta bon pa muestra cu Evelyn ta papia manera cu nada ta pasando den su Gobierno, pero e tin henter un bulula den su Gobierno cu su partner partido POR y un di su Ministernan cu tin acusacion serio di corrupcion den Gabinete Wever Croes.

Ya caba diabierna Evelyn no por a wanta e presion di e reunion, caminda Minister Marisol a trece pruebanan serio di corrupcion den DIP, na Serlimar y a muestra riba un pregunta di un miembro di fraccion di MEP, cu tin otro Ministernan tambe involvi.

Na momento cu Prome Minister kier papia di integridad, cu su persona ta

Minister Presidente ta yama AVP Universidad di corrupcion

Sinembargo no tin famia cu a bira mas rico cu su famia cu placa di pueblo

contra corrupcion, e tin cu splica pueblo di con el a duna ordo pa bay over na suspende e reunion di diabierna ultimo y ki tabata e motibo.

Mientras cu Minister ta dunando cuenta na su Hefe cu ta Parlamento di Aruba, Prome Minister ta inventa un excuus pa suspende e reunion y evita loke Minister Marisol lo a bin bisa cu e lo trece mas cos dilanti den ‘tweede ronde.’

Awor pa motibo cu su consehero Nel Oduber a haci un declaracion cu e dos partidonan mas grandi lo tin cu bay traha hunto, Evelyn ta bay prensa y yama AVP un universidad di corrupcion y aki ta bon mi muestra su persona kico ta corrupcion.

Evelyn lo bay den historia como e prome dama cu ta bira Prome Minister di nos pais, pero tambe e lo keda conoci como e Prome Minister cu mas famia el a duna trabou, cu mas famia di dje a bira rico cu placa di pueblo y ta bon pa menciona e lista cuminsando cu Papa Hendrik.

Evelyn su esposo Kenneth, su yiu homber Kevin y su pareha, Rudy Croes, Maikito Croes, Glenbert Croes, Joally Croes, Sandra Croes, Endy Croes, Junior Croes, Giendaline Croes, Gisette Croes cu su pareha, Grace Koolman, Arleen Croes, mr Dijkhoff suegro di yiu cu a haya kiosko, pues henter un kliek di famia y awor kier bin papia di universidad di corrupcion.

No solamente esey pero Prome Minister Evelyn Wever Croes, heredero di e oficina di abogado di Papa, ta hunga wega di sabi, ora cu el a dirigi un carta

na Directornan di WEB, Elmar, RdA y Utilities, pa bisa e Directornan aki pa haci mas uso di otro oficinanan di abogado pa atende nan asuntonan.

E carta aki ta fecha dia 30 di october di 2019, pero tur esaki mientras cu ya den un carta fecha 20 di december 2018, e ta informa Utilities Aruba NV cu e abogado Ruiz di oficina Croes, Wever, Ruiz lo ta representa su persona como ‘aandeelhouder’ den e compania estatal aki y cu e tin autoridad pa yama reunion na su nomber.

Un di e prome acto di abogado Ruiz den representacion di Prome Minister, tabata di retira e Director di Utilities e tempo ey, Franklin Hoevertsz. Den RdA tambe el a nombra otro hende di MEP, Richard Eman y e mesun oficina di abogado aki di su tata, mester a busca forma pa kibra e contract cu Citgo.

Ora cu nos mira e lista di cobranza cu e oficina aki a manda pa Gobierno, por bisa cu cu placa di pueblo a paga entre otro sumanan di 32.7 mil florin, 16.3 mil florin, 14.6 mil florin 27.08 mil florin, 2.4 florin, 36.4 mil florin, 35.9 mil florin, 8.8 mil florin, 2.9 mil florin, 25.5 mil florin 23.4 mil florin, 7.7 mil florin, 7.1 mil florin y asina por sigui muestra riba cobranza manda pa Gobierno di parti di oficina di e heredera Evelyn Wever Croes.

Anto net su persona kier papia di integridad, e kier papia di corrupcion y awor ta permiti pa busca un forma pa retira un Minister cu a denuncia corrupcion di su partner di gobernacion,” Parlamentario Benny Sevinger a muestra.



KAMIKAZE

Pa; Armand Hessels

MI tin gran admiracion p'e berdadero 'desprecio pa morto' cu cual e partido politico POR a lansa su mes, cu wowo hanchu habri, den e abismo cu e mes a caba. Den esey no ta importa cu el a bin di un subestimacion completo di e tenacidad cu cual 'su' Ministro di Infrastructura y Medio Ambiente (MinIM) a resisti contra 'disciplina di partido' of di un desesperacion total pa evita exposicion mas aleu di asunto aparentemente sospechoso a costo di tur cos.

Hecho ta cu e circo cu POR a ofrece comunidad Arubano durante e crisis mas grave den su historia, ta nifica un fin sigur di su (POR) existencia cortico.

'POSTEMA'

Cu e menasa di POR pa laga Gobierno cay si e mocion di desconfianza contra su Ministro no haya apoyo di su partner mas grandi den coalicion, el a pone su mes den mesun posicion cu OLA tabata haci den añanan '90. E partido ey tabata obliga partido AVP pa 'entrega' na varios momento y tabata mal-uza su posicion clave pa cumpli ampliamente cu su 'obligacionnan' cu su mes, su sponsor- y votadornan.

Mescos cu awor t'e caso, y naturalmente contrario na tur posibel interes di nos pais. Den e sentido aki, y sigur awor cu tur paña sushi a keda colga pafo extensamente, ta resulta cu POR ta un 'postema' cu ta haci un funcionamiento drechi di e Gobierno di coalicion imposibel.

E PROBLEMA CLAVE

¿Di kico ta trata realmente? Segun e Ministro di Husticia y e Parlamentarionan di POR, comunicacion y colaboracion ta imposibel cu e Ministro concerni. P'e Ministro 'recalcitrante', e cantidad di caso di nepotismo, conflicto di interes, violacion di tratado internacional, negoshi cu tereno, etc. den cual e anterior y actual lider di POR y miembro di partido ta involvi den e tempo cortico cu nan ta funciona, t'e causa principal.

Y mientras e top di POR no por a produci mas cu algun keho vago tocante e 'relacion dificil', e MinIM por a concretisa su puntonan di forma detaya y documenta.

Awor a bira cla tambe pakico su colega di partido y Ministro di Husticia ta sigui blokea establecimiento di e ekipo di investigacion 'Team Bestrijding Ondernijning' na Aruba.

ESPADA DI DAMOCLES

P'e partner grandi den e coalicion, e crisis aki ta un problema grandisimo. Si e ignora e 'ultimatum' di POR, anto esey por nifica e caida di e Gabinete, puramente pa motibo politico-oportunista di su partner di coalicion.

Consecuentemente e liderazgo, di cual Aruba tin tanto mester den e crisis mas grave cu el a conoce, ta core peligro directo.

Si scoge al contrario pa baha cabez p'e menasa di POR, anto ta scoge pa continuacion di colaboracion cu un partner cu obviamente a haci su mes culpabel na violacion di e puntonan clave di programa di Gobierno, cu ta bon gobernacion y integridad.

A cumpli sí cu e exigencia di transparencia, awor cu a bira conoci con POR tabata involvi den su propio 'negoshinan'. Sinembargo, e ultimo escogencia aki lo tin consecuencia grave pa credibilidad di Gobierno. Den e caso aki tambe lo ta trata di 'kamikaze'. Lo mester purba bay anto den direccion cu POR ta guli su exigencia awor y despues numa ta choca cune tambe. Mientrastanto partido (POR) por sinta reflexiona si no t'e Ministro kiboca e kier a obliga di tuma retiro.

MODUS OPERANDI

Manera e raport investigativo '*Een kwestie van mentaliteit*' di e Comision di Berdad na 2002 a describi e 'modus operandi' maligno di Gobierno di AVP y empresario di e tempo ey den e caso di corrupcion '*Fondo Desaroyo Nobo San Nicolas*', asina aki e actual MinIM a expone e aparente manera di custumber di opera den politica, en todo caso den POR.

Sinembargo, ta un pregunta te ki alcance nombracion di hende di partido den e aparato publico y otro infraccion di e criterionan di bon gobernacion a tuma lugar den e ultimo tres añanan.

¿No t'asina cu e revelacionnan durante apenas un ora di e MinIM, cu solamente tabatin un par di luna den funcion, ta solamente e punta di e ijsberg? Esey lo sali na cla solamente si mas mandatario kibra fila y cuminsa revela secreto.

REVELACION

Felizmente e publico por a saborea tambe otro revelacion confidencial di parti di miembro di Parlamento. Remarcabel tabata p.e. e expresion di e anterior Ministro di Husticia di AVP. Den su discurso el a afirma cu patronahe politico y nepotismo ta forma di corrupcion y por lo tanto inaceptabel.

¿Esaki tabata consecuencia di su actual papel den oposicion of di loke na Hulandes ta yama '*voortschrijdend inzicht*' (siñamento na caminda)?

Con cu ta, solamente e efecto real di e constatacion ey caba por conduci na eliminacion di un forma maligno di goberna na Aruba cu den e ultimo decadanan a costa miles di miyones.

SIGUI RIBA E MESUN PIA?

E mas reciente 'circo Parlamentario' t'e di tantisimo prueba cu e sistema di e actual 'democracia partidario' ta disfunciona. Den ultimo – casi – 35 aña, cara nobo y partido nobo no a trece ningun mehoracion p'e multiple deficiencianan di e 'funcionamento politico'. Intento di mehoracion tabata parce mas bien purba lastra un cabay morto. E escala chikito di e sociedad ta preveni cu esey algun dia lo sucede. Mantene 'cueste lo que cueste' e sistema aki y pa falta di algo mihor (?) continua cu scoge ciegamente pa partido cu ta responsabel p'e situacion den cual Aruba tabata caba prome cu e crisis di Covid, finalmente lo conduci na un 'kamikaze' di pueblo di Aruba mes.

Armand Hessels

Presidente Stichting Deugdelijk Bestuur Aruba



Berdad sa pica lenga y p'esey e cheapshot di MinFin no ta traha!!

Pa: Lider di partido UPP
Booshi Wever

SIMAN PASA UPP a post riba FB 2 carta di DIP y DOW unda por mira hopi cla cu tanto e Minister di Husticia como e Minister di Finanza a presta nan mes pa firma un MB cu ta contene actonan **CRIMINAL**.

Na prome lugar ta parce cu den politica actual a bira regla pa hinca palabra den boca di hende y manipula cu e fin pa desvia atencion! E comportacion particular aki di e Minister di Finanza mi ta laga pa su cuenta, pero loke sinembargo si a bira obvio t'e modus operandi di e Gobierno POREDmep, esta "cani mi, pami cani bo"!

Notabel ta cu e Minister di Finanza a reacciona riba FB y awor den prensa y a publica kendenan ta den e compania cu a wordo privilegia. E nombrenan menciona a lanta mi curiosidad ainda mas.

E prome mentira (manipulacion) di Minister di Finanza ta cu e ta bisa cu tabatin un "onderhandse aanbesteding". Sinembargo segun Andin Bikker NO tabatin un "onderhandse aanbesteding". Ta ken ta papia e berdad???

Articulo 25/26 di nos Ley di Comptabilidad ta bisa enfaticamente cu Gobierno ta obliga pa tene un destaho publico ora ta trata di un suma p.e. di 1.3 miyon florin. Por desvia di esaki' pero mester tin un hustificacion drechi.

Si eventualmente tin motibo pa desvia, por bay over pa tene un "destaho bou man" (onderhandse aanbesteding) of "gunning uit de hand". Minister Andin Bikker mes a bisa cu NO tabatin un destaho bao man y cu ta "uit de hand" a duna e proyecto aki.

Dicon mester GAÑA cu tabatin un "Onderhandse aanbesteding"? Un cheap shot, pa un Minister di Finanza "onwaardig"! Ta p'esey mi a puntra si no tabatin otro compania cu lo por a haci entrega di trailernan cu probablemente lo por ta den mucho mas mihor condicion cu e PORkeria cu a wordo ofreci na Gobierno (mira algun potret adhunto)!

Ora presenta un peticion asina ta **DEBER** di e Minister di Finanza pa puntra con ta bay pag'e y mester consulta tur e consehonan di e diferente departamentonan envolvi. Conforme e cartanan di DOW y di DIP esaki NO tabata e caso. Pa colmo no tin "begroting" p'e involucramento di DOW y DIP tampoco.

Esaki ta **CONTRA** ley y un Minister cu compromete pais Aruba sin cu tin un "begroting" ta "strafrechtelijk vervolgbaar"! Mi experiencia como un ex-Minister cu e Minister di Finanza di e tempo ey ta, cu tipo di cosnan asina **HAMAS** tabata pasa y particularmente ora cu e MB-nan aki ta wordo traha den e "achterkamertje" di e Minister.

Riba facebook tambe a aparece un caso di un trahador na DIP cu a ser tuma den servicio na DIP cual despues a resulta, conforme un carta di DRH, cu NI tabata presupuesta y **TAMPOCO** tabata tin vacatura p'esaki!

Conseho di Minister tambe conoce "**FAST-TRACK**" p'esaki? Ta tarea di e Minister di Finanza pa controla esaki debidamente particularmente den un periodo di crisis financiero. Tipo di "**FASTBALLS**" asina, **NUNCA** e Minister di Finanza den e periodo cu ami ta minister, lo a mira luz di dia. Tampoco p'esnan cu ta **INSTRUMENTAL** pa partido.

E Minister a usa e palabra corrupcion den su "defensa", palabra cu ami den e caso aki no a usa (ainda)!!! Loke ta hopi remarcabel ta na unda e ta indica cu mi lo a bisa cu e compania lo ta liga cu actonan corruptivo. Please, Minister! No hinca palabra den mi boca. Ami a scirbi cu ta trata di "amigo" di Otmar cu ta wordo privilegia.

E Minister t'esun cu a interpreta "amigo" cu actonan corruptivo. Por ta cu e Minister ta na altura cu **TUR** amigonan di Otmar ta corrupto?? Un alegacion hopi straño y mi lo kier bisa e Minister cu cuidao.

"Dime con quien andas y te diré quien eres"!! Danki Dios cu Booshi Wever no ta amigo di O.O. Minister lo por bisa asina tambe???

Loke tambe a lanta mi curiosidad ta ora cu e Minister a publica number di esnan den e compania cu e Minister a insinua di ta corrupto, paso nan ta "amigo" di Otmar. Ora cu mi lesa number di e persona Venezolano, mi curiosidad a bira hopi grandi.

E señora aki no ta casa di e Director di **AZZURE** cu t'esun cu a traha e "Mancamp" den Colony??? No t'e a burla cu nos leynan? E ta uno cu a "**SCARMAY**" 150 miyon florin cu Glembert Croes a papia di dje?

No ta **CHAVISTA** e hendenan aki ta cu ta bin via **CITGO** laba placa di e sanger di e pueblo Venezolano?


Pa colmo e meneer Arends tambe mi ta mira su link cu PDV y un fundacion conoci aki na Aruba. Straño cu tin hende cu awor ta "muisstil"!!

Por ultimo mi kier a reacciona riba loke Ministro a bisa na fin di su "defensa" tocante tira cos den laira y despues bay sconde bou saya. Mi lo kier bisa esaki, cu señora Minister conoce mi mucho bon pa bin bisa cu mi ta sconde bou saya di otro y e sa hopi bon na kico mi ta referi!!!

Cuanto documento y spirito mas mester sali for di Cocolishi? Ta tipo di actonan **CONTRA** ley (cu segun e Minister ta corrupcion) y manipulacion asina aki, ta loke cu ta conduci cu nos ta coriendo peliger di perde nos autonomia y net den augustus.

Ta 43 aña pasa cu tabatin un augustus **SCUR** cu a habri wowo di hopi hende pa nos a logra di haya e reconocimiento cu e **PUEBLO** Arubano tin e derecho inalienabel di autodeterminacion y ta parce cu nos lo bay pasa den un augustus **SCUR** atrobe, pero pa **PERDE** nos autonomia completo pa motibo di e tipo di actonan asina.

Prolongacion di entrega di Registro di Personal COVID2020 te cu 15 september 2020



E pandemia ocasiona pa e virus COVID-19 a trece un cambio drastico den nos economia y nos mercado laboral. En coneccion cu esaki Departamento di Labor & Investigacion (DAO) ta desea di haci un inventarisacion di e situacion laboral y den e cuadro aki ta acerca tur compania pa entrega un Registro di Personal COVID2020.

A base di artículo 30, prome inciso, di e Ordenansa Laboral 2013 un dunado di trabou ta obliga pa entrega e Registro di Personal (Personeelsregister) na director di Departamento di Labor & Investigacion ora cu su persona haci un yamada na e compania.

Den e Decreto Nacional Registran di Ordenansa Laboral 2013 ta regla e modelonan di e Registro di Personal. E Registro di Personal ta consisti di tres parti, Modelo 1A, unda ta yena e personal actual trahando/registra na bo compania riba 30 juni 2020; Modelo 1B, unda ta menciona e necesidad di personal pa e ultimo mitar di aña 2020 (di juli 2020 pa december 2020), tumando cuenta di e situacion real di nos economia y Modelo 1C, na unda e necesidad di personal pa cada proyecto specifico den e ultimo mitar di aña 2020 ta wordo menciona.

Entrega di Registro di Personal COVID2020 ta obligatorio pa tur compania na Aruba y su periodo di entregamento ta extendi te cu 15 di september 2020.

E forma di entrego di e Registro di Personal COVID2020

E unico forma cu por entrega e Registro di Personal COVID2020 ta den e forma digital. Desde 9 di juli 2020 por download e formulario digital, Registro di Personal COVID2020, cu ta consisti di 3 pagina for di website www.daoaruba.com of www.gobierno.aw of por haci un peticion via e-mail na aanvraagpr@gmail.com y DAO lo mail bo e formulario digital.

Den caso cu bo compania tin un of mas sucursal/ filiaal, DAO ta haci un peticion pa yena e Registro di Personal no solamente pa e oficina principal (hoofdvesting) (p.e. kvk-nummer 5555.0) pero tambe pa cada sucursal/ filiaal (p.e. kvk-nummer 5555.1, 5555.2 etc.).

Ta wordu pidi tambe pa indica cua trahadonan ta rouler door di pone un strea (*) den kolom patras di e kolom "No." ariba e formulario digital.

DAO ta informa cu ta obligatorio pa yena tur 3 modelo. Den caso cu no tin necesidad pa personal of necesidad pa personal pa cada proyecto specifico pa 2020, ta yena nihil ariba modelo 1B y modelo 1C.

Unda y con por entrega e formulario di Registro di Personal COVID2020

DAO ta haci un peticion pa hinca e datonan den e formulario digital, segun e modelo stipula pa ley, y manda nos esaki na e-mailadres dao.prcovid2020@gmail.com.

DAO lo manda e compania un e-mail como comprobante cu a ricibi e Registro di Personal COVID2020. Tene cuenta cu si bo a entrega e Registro di Personal 2019-2020, tambe bo mester yena atrobe e Registro di Personal COVID2020.

Den caso cu e Registro di Personal COVID2020 no ta corectamente yena y DAO a comunica esaki na e compania pero e compania no a adapta e Registro di Personal, tambe ta wordo considera cu e compania ta den incumplimento. Pa companianan cu ta haci uso di un intermediario (p.e. accountings-of adviesbureau) ta recorda nan cu cumplimiento di nos leynan laboral ta un obligacion di e dunado di trabou y no di e intermediario.

Companianan cu no ta cumpli cu entrega di e Registro di Personal den e periodo menciona como tambe esnan cu no a entrega esaki e aña anterior ta den incumplimento cu articulo 30 di e Ordenansa Laboral 2013. DAO lo bay over pa tuma accion contra esakinan despues di e fecha di 15 di september 2020.

Tene bon na cuenta cu den caso cu un Registro di Personal no ta corectamente yena y DAO a comunica esaki na e compania pero e compania no a adapta e Registro di Personal, tambe ta considera cu e compania ta den incumplimento.

Pa companianan cu ta haci uzo di un intermediario (p.e. accountings-of adviesbureau) DAO kier recorda cu cumplimiento di nos leynan laboral ta un obligacion di e dunado di trabou y no di e intermediario.

E compania cu no cumpli cu e obligacion di entrega di e Registro di Personal COVID2020, lo ricibi un sancion administrativo di Afl. 5.000,-.

Si tin mas pregunta tocante e Registro di Personal por tuma contacto cu un funcionario di Bureau Arbeidsmarktonderzoek na 523-7720 of manda un email na louisetty.croes@aruba.gov.aw of dao.arbeidsmarktaruba@gmail.com y nos lo comunica cu bo.

SVb ta informa cu

Actualmente no tin cuarentena general na Aruba



E preocupacion di comunidad Arubano a crece despues cu den menos di dos dia ora por a tuma nota cu a registra varios caso nobo di Covid-19.

SVb tambe a tuma nota di esaki y ta informa su clientenan y comunidad en general cu actualmente no tin un cuarentena general riba nos isla.

Ta importante pa tene na cuenta cu cuarentena ta valido unicamente ora cu esaki keda indica pa DVG.

Na momento cu DVG pone un persona bao di cuarentena el'o keda registra y lo comunica esaki na SVb. E asegurado tin e deber di yama SVb pa notifica cu DVG a pone bao di cuarentena pa su dlanan cu e no por traha keda cubri.

SVb ta recomenda pa tur persona mantene e distancia minimo di 1.5 meter na tur momento y na pia di trabao, si esaki no ta posibel mester uza mondkapje y aplica tur medida di higiena cu SVb ta recomenda.

Na momento cu un persona presenta algun sintoma di Covid-19 mester tuma contacto cu dokter di cas of yama telefon 280-0101 inmediatamente. Ta recomenda pa evita ta den areanan publico si no ta necesario.

Tambe SVb ta recorda comunidad cu e protocolnan di Covid-19 ta obtenibel den 4 idioma riba website www.svba-ruba.org of www.arubacovid19.org.

SVb ta conseha tur hende pa lesa e protocolnan y tene nan mes n'e recomendacionnan. Awor cu nos ta experienciando un biaha mas transmision local di Covid-19 ta di suma importancia pa nos cuida nos mes y cuida otro.

Tambe ta recomenda pa come saludabel, haci ehercicio y sosega pa tene e curpa saludabel. SVb seguridad pa Aruba su comunidad!




Uzo di mondkapje obligatorio durante bishita na sucursalan di ELMAR

En conexion cu e escalacion di medidanan referente prevencion di COVID-19, N.V. Elmar ta comunica na tur cliente y bishitante cu uzo di mondkapje (facemask) ta obligatorio na su oficina- of sucursalan. Personanan cu no cumpli cu e exigencia aki lo no wordo permiti entrada.

Poniendo seguridad y higiena di cada cliente y empleado na prome luga, N.V. Elmar ta sigui un protocol estricto den liña cu e codigo nacional di prevencion di propagacion di e virus y ta agrega e medida di uzo di mondkapje.

N.V. Elmar ta gradici comunidad pa e comprension y alaves ta haci un suplica na henter comunidad pa sigui protocolnan di prevencion di COVID-19 den bienestar di henter nos pais.

DWJZ ta anuncia su Plan di Contingencia Covid-19



Directie Wetgeving en Juridische Zaken, DWJZ, ta uni su mes n'e lucha contra e plamamento di e Corona virus.

Conforme e protocol nacional en caso mester haci contact tracing, tur persona cu bishita DWJZ mester yena un logboek, cu entre otro nan nomber, number di cell/telefon, fecha cu a bishita DWJZ, motibo di e bishita.

Apart di esey, mondkapje/tapa boca ta obligatorio. Si presenta sin tapa boca, no ta extende servicio na Bo persona.

Sigui e protocol di higiena, uza handsanitizer. Mantene distancia social.

DWJZ ta conta riba e comprension di tur cu mester di e servicio di DWJZ p'asina contribui na frena contagio di e Corona virus.

Imposibel cu Minister di Husticia mes ta den bagamunderia

Segun Parlamentario Marlon Sneek



UN cantidad di conferencia di prensa a wordo yama pa Gobierno y fraccionnan cu ta sostene Gobierno caminda por a tuma nota cu e intencion tabata trata di dek cos cu Minister Marisol Lopez Tromp a pone na conocimiento di pueblo diabierna ultimo.

Lider di fraccion di AVP, sr. Marlon Sneek a muestra cu tur intento a wordo haci pa cambia rumbo di e acusacionnan cu a bin dilanti pa un Minister di Gabinete Wever Coes, caminda hasta ta wordo lubida cu e Gobierno aki tin casi tres aña na mando.

“Ora cu nos tende politiconan di Gobierno papia cu nan a bin haya herencia, nan ta lubida cu nan tin tres aña sinta riba e stoel ey caba.

No ta AVP a huur e edificio na Pos Chikito, no ta AVP a bay compra truck nobo, mientras cu e trucknan cu tabatin ta bon bon, warda awor riba tereno na dump.

No ta AVP a cera un deal na Sero Teishi cu amigonan pa coba cos, coba malo anto despues holo a cuminsa Sali, pero t’e Minister encarga cu Serlimar di e signatura Wever Croes y t’esun cu a tuma de decisionnan aki.

No ta Gobierno di AVP a huur e edificio di Pos Chikito y es mas, colega Arthur Dowers a para dilanti di e edificio aki mas di un aña pasa y bisa cu tin corrupcion, cu tin bagamunderia.

Awe nos ta haya rason, ya cu manera e Director nobo a wordo nombra, el a para e contract ya cu no mester di contract.

Serlimar tin un edificio di dje mes na San Nicolas anto ta bay usa un edificio nobo gastando placa di pueblo of mihor bisa,

hincando placa den saco di sponsor di partido y ta cosnan cu no ta aceptabel.

Pesey nos ta bisa y nos ta insisti cu loke Gabinete Wever Creos tin cu haci ta tene e honor na su mes y baha na awa y laga e pueblo aki hala rosea di alivio.

Ta imposibel cu un Gobierno cu a priminti pueblo tanto cos, ta haci awe net lo contrario di loke e mester a duna comunidad.

Diadomingo ora cu Minister di Husticia a yama un conferencia di prensa, nos a kere cu esaki lo ta pa anuncia su retiro lugar e Minister aki a purba di defende algo cu e no por wordo defende.

Ta bon pa recorda kico e propio Minister aki tabata bisa antes como Parlamentario, esta cu nos historia Parlamentario ta deriva di esun di Hulanda y na Hulanda pa menos cu esaki, un Minister ta entrega su retiro.

Entrega bo retiro Minister di Husticia, pasobra n’e momentonan aki, e Minister aki ta un Minister di Inhusticia,” lider di fraccion Marlon Sneek a declara.

Departamento di Aduana no ta duna servicio n’esnan cu no tin mondkapje

NA Douane nos ta haci tur locual posibel pa sigura e bienestar y salud di nos clientenan y nos personal, dor di limita contacto fisico.

Teniendo cuenta cu e ultimo desaroyonan encuanto e elevacion di e medidanan segun e plan di maneho pa contingencia di e Corona virus (Covid -19) di Gobierno, e ta importante pa practica cu cautela y limita contacto fisico cu ta na bienestar y proteccion di e cliente y personal di Aduana.

P’e motibo aki for di ayera 5 di augustus, ta obligatorio pa cada cliente cu bishita cualkier oficina di Departamento di Aduana usa un mondkapje.

Departamento di Aduana ta pidi tur cliente pa tuma nota di e aviso aki y pa cumpli cu esaki debidamente. Lo no duna servicio na cliente si no tin un mondkapje.

Cambio di maneho pa DHC

Dienst Huur- en Consumentenzaken (DHC) ta anuncia cu, mirando e ultimo desaroyonan di Covid - 19 na Aruba, nos ta adapta nos maneho inmediatamente.

Dienst Huur- en Consumentenzaken lo atende publico solamente a base di cita/afspraak.

Tur cliente cu cita mester presenta cu mondkapje pa ricibi servicio. DHC ta urgi tur cliente pa haci uzo di nos servicionan online, e-mail y via telefon. Tambe, por bishita nos website [dhc.aw](http://www.dhc.aw) pa mas informacion.

DHC Website: <http://www.dhc.aw>

E-mail: info@dhc.aw

Tel: 582 - 9914

Formularionan: <https://formulieren.dhc.aw>

DHC ta spera cu pueblo di Aruba y su clientela en particular tuma bon nota di e comunicado aki.

Structura di poblacion y conectividad di coralan hermatipico dentro di zuid Caribe Hulandes



UN estudio nobo, como parti di e proyecto SISSTEM na Universidad di Aruba, lo examina conectividad genetico di coralan ubica rondo di e islanan ABC. E meta ta pa haya un concexion entre e formacion espacial di especie di coral duro pa conectividad y structura di poblacion entre e islanan. Comprendiendo e relacionnan aki, lo yuda pa expande nos conocimiento di reproduccion di coral y di isla interconecta pa guia maneho di e zona na costa den futuro.

Rif di coral ta entre e poblacionnan di mas diverso y productivo den medio ambiente maritimo. Particularmente den e area tropico, nan ta un eco-sistema iconico, dor cu nan ta hotspots pa biodiversidad, atraccion principal pa turismo, ta provee empleo pa hopi local y ta representa un ambiente di naturalesa maritimo compleho.

Coralnan hermatipico, mihor conoci como coralan duro, t'e fundeshi basico di crecimiento di rif di coral tropical. Crecemento di e tipo di coralan aki formadonan di rif di coral y distribucion di rifnan di coral, ta ser altamente influencia p'e ambiente fisico.

REPRODUCCION DI RIF DI CORAL

Coralnan hermatipico por reproduci asexual, caminda nan ta produci geneticamente nan mesun clone identico. Esaki ta causa produccion masivo di skelet cual colectivamente ta forma e herante di limestone di rifnan tropical.

Coralnan tambe ta reproduci cu un sexo specifico, durante cual nan ta crea individuo nobo geneticamente for di e combinacion di "gametes" masculino y femenino pa diferente colonia di pariente. Constitucion genetico nobo y variacion minimal atraves di varios generacion por causa adaptacion pa resisti e sensibilidad di coralan contra factornan cu por causa stres, manera por ehempel malesa, temperatura eleva y polucion.

Durante reproduccion sexual, e coralan ta instrui pa libera nan celnan reproductivo of "larval planulae" for di e colonia di pariente cual finalmente ta ser carga y distribui den awa.

Factornan manera metodo di reproduccion sexual di especienan di coral (sea cu nan ta "brooders" of "broadcast spawners") coriente y habitat di zona na costa ta influencia e distancia, direccion y grado di separacion planular tambe cu nan posibel acoplamiento.

E reproduccion exitoso, conectividad (of intercambio di "planulae" entre rifnan) y acoplamiento di "planulae" ta fundamental pa desaroyo saludabel di rifnan di coral y esaki ta directamente conecta n'e abundancia y salud di otro organismo maritimo cualnan ta depende riba nan pa sobrevivencia.

E magnitud di cambio di medio ambiente tumando lugar den region di Caribe y tambe ariba nivel global ta significante, y solucionnan ta rekeri investigacion encuanto e manera cu poblacionnan di coral ta conecta. Tambe, pa comprende con e interaccion entre geno tipo y ambiente (seascape) y factornan cu ta causa stress ta impacta distribucion planular.

INVESTIGACION CIENTIFICO

P'e motibo ey, e meta di e proyecto di investigacion aki ta pa conecta e formacion espacial di especie di coralan hermatipico y structura di poblacion entre e islanan cual conhuntamente ta forma Zuid Caribe Hulandes (Aruba, Bonaire and Curaçao).

E estudio aki tambe lo compara e nivel di distribucion planular entre modoreproductivo di coral utilizando "brooding mustard hill coral (*P. astreoides*)" y "symmetrical and broadcast spawning grooved brain corals (*P. strigosa* and *D. labyrinthiformis*)", como e especie di estudio.

Pa localisa e movimiento y conectividad di e planulae coral microscopico aki atraves di e lama grandi zuid di Caribe, nos lo utiliza primeramente e acercamento genetico y analisis. Instrumentonan molecular por ehempel "microsatellite markers" lo ser utiliza pa identifica y examina e geno tiponan di coralan cual ta ser studia y ta permiti nos pa establece asina'ki relacionnan particular bou di coralan individual y e distancia cual ta separa nan.

E estudio aki ta parti di "Sustainable Island Solutions through Science, Technology, Engineering and Mathematics (SISSTEM) project" na Universidad di Aruba.

Diana Melville, candidato di PhD di Universidad KU Leuven y Universidad di Aruba, t'e científico principal supervisa pa drs. Eric Mijts, Universidad di Aruba y prof. Filip Volckaert, Laboratorio di "Biodiversity and Evolutionary Genomics", KU Leuven, Leuven, Belgium

EXPLORANDO CONTESTA

Preguntanan cu ta surgi ta: Coralan riba islanan ABC ta geneticamente relaciona? Cual di e poblacionnan t'e fuente di decencia? Cua t'e papel di factornan medio ambiental y característica biologico den formacion di conectividad?

Poblacionnan di coral ta adapta na e cambionan di ambiente?

ISLANAN ABC

E tres islanan, relativamente den proximidad di otro, ta ofrece un excelente escenario di estudio pa compara y contrasta factornan relaciona ku distribucion via di influenciacionan comparti hydro dinamico, ecologico y artificial.

Cada isla a tuma un acercamento di conservacion specifico cu diferente impacto riba eco-sistema costal.

Tur di nan ta comparti un turismo prospero asocia na areanan di costa, ta depende di pesca y otro servicionan biologico cual rifnan di coral ta ofrece.

Sin embargo, e calidad di e servicionan aki ta depende di e nivel di e salud di rifnan di coral. Te cu awe no tabatin ningun estudio riba e conectividad genetico di rifnan di coral den e region.

E resultadonan di e estudio aki lo provee un base saludabel pa maneho di zona di costa di e region, cual ta ser considera un ecologicamente importante. Ta pa e motibo ey den e proyecto aki di PhD lo tin oportunidadnan unico pa explora y trece dilanti e limitacionan di conectividad den e region di ABC.

Fundacion Parke Nacional Aruba:

“Conservation Week Aruba 2020” un siman di conscientisacion exitoso



Fundacion Parke Nacional Aruba (FPNA) a tene recientemente un siman di educacion y conscientisacion durante nan prome “Conservation Week Aruba 2020”. FPNA ta mira bek riba e siman special aki como uno exitoso y cu potencial pa ripiti.

E siman di conservacion a inicia cu dia international di conservacion di ecosistema di mangel, unda nos Junior Rangers a lansa un tremendo video educativo encuanto e importancia di nos mangelnan. Durante e siman, nos Junior Rangers nan a uni forza y hunto a logra un clean-up na sitio Ramsar Spaans Lagoen.

Durante e siman a enfoca primordialmente ariba e tarea di conservacion cu FPNA ta ehrece diariamente y con esaki lo continua despues di a ricibi areanan di reserva natural adicional bou di su maneho algun siman atras. E topico aki a wordo elabora durante FPNA su “Online Webinar” cu a hiba e topico di trabou di conservacion den practica. Esaki lo ta disponibel pronto ariba e website y rednan social di FPNA.

E siman aki no a pasa sin reconocimiento. Ariba diamars, 28 di juli, dia mundial di conservacion a reconoce y honra Sra. Olinda Rasmijn cu e palo di wayaca dilanti e centro di bishitante. Awor e “Wayaca di Olinda” ta recorda nos di su pasion y dedicacion pa naturalesa y pa conserva e palo di wayaca durante e fase di construccion di nos centro di bishitante. Diabierna 31 di juli, a toca turno pa reconoce nos rangernan di FPNA pa nan trabou ariba Dia Mundial di Ranger. Un fecha celebra internacionalmente y sigur uno cu FPNA ta celebra pa asina brinda un gradicimento na tur e trabou cu nos trahadonan ta eherce diariamente pa asina proteha nos herencia natural.



PARKE NACIONAL
ARUBA

Por ultimo FPNA a organisa su famoso Rough Hike, unda participantenan a disfruta di un mainta den naturalesa hunto cu ranger Rambo, kende a guia tur participante durante un caminata di 5.8 KM. Sigur un palabra di gradicimento na e comunidad di Aruba cu a sigi nos riba rednan social y asina forma parti di nos prome siman di conservacion na Aruba.

Preparando pa nos proximo siman di conservacion den 2021, FPNA lo aprecia cualkier recomendacion di contenido y actividadnan. Pronto FPNA lo invita e comunidad pa duna nan ideanan via rednan social.

Pa mas informacion encuanto nos reservanan natural y eventonan por sigi nos riba Facebook: Aruba National Park.

Royal Aurora

Funeral Home & Crematory

Señor ta mi wardador, mi'n tin falta di nada, den cunucu di yerba berde E ta pone mi sosega.
E ta hiba mi na awa trankil, pa mi bolbe haya forza.
Salmo: 23.1

Cu inmenso tristesa na nos curazon, pero conforme cu boluntad di Dios nos ta participa fayecimento di:



a. Heloise J. Mossel-Suydon
*05-01-1914 - †30-07-2020

Yiunan: † Ria
† John
Ligia

Nieto(a)nan: Ruth
Dan
Arthur
Alysa

Bisnietanan: Sophie
Lisa

Famia na Korsou: Famia Suydon
Famia na Aruba: Alfons Rodriguez y famia Croes

Famia na Suriname: Margo Dompig

Demas famia

Ta invita pa e acto di despedida cu lo tuma lugar na misa Inmaculada Concepcion na Sta Cruz diahuebs 6 di augustus 2020 pa 9'or di mainta.
Respons ta cuminsa 10'or.

Disculpa nos, nos no por ricibi bishita di condolencia na cas.

Royal Aurora

Funeral Home & Crematory

Gradicimento

Di profundo di noscurasonnos ta gradici tur hende cu di un of otromanera a muestraatencion, amor y cariño durante bida, faysimento y entiero di nos querida "Mamai"



ABELINA IRAUSQUIN-DIRKSZ
Vda. di Joseph "Jossy" Irausquin

Un danki special ta bai na Dr Morales Tuis y nadokter-nan y enfermeronanna hospital y ambulance, Wit GeleKruispa nan tremendoayudo y na tur hende (muchohopi pa menciona) cu a hacipresencia y a mandacarchi, krans, Whatsup, Facebook, email y jamadanantefonico, bosomuestra di atenciontawata di gran consuelona nos.

Ta duel nos y alavesnos ta disculpa cu lo no tin invitacion pa misa y ninaresamentonacas door di e regla nan nobo pa cu Covid-19

Susan, Karel, Sandra, Rayza, Joyce y Connie

Royal Aurora

Funeral Home & Crematory

GRADICIMENTO & INVITACION

Pa medio di esaki nos kier a gradici tur famia, amistad, bisña y conocirnan, cu di un of otro forma, a muestra nan atencion y sosten prome, durante fayecimento y na despedida di nos querida mama, suegra, abuela, bisabuela, tia, bisña y amiga stima:



GLADYS MADURO-AVENDAÑO

Un danki special na pastoor Daniel Szpila, Ministerio extra-ordinario di SANTA EUCARISTIA di Iglesia La Birgen di Fatima, Dr. CimeTexier, Blue Army, grupo Foculares, Centro Kibrahacha, Max Hassel, Eddy Toppenberg y Aurora Funeral Home.

Tambe danki na tur esnan cu a manda flor, carchi, mail y wzp, y cu a comunica via facebook y yamadananan di telefon.

Alavez nos kier a extende un invitacion pa asisti na un santo sacrificio di misa pa descanso di alma di GLADYS cu lo tuma lugar na Dakota:

DIALUNA 10 AUGUSTUS 2020 7'OR PM na Iglesia La Birgen di Fatima

Rosario ta cuminsa 6:15 pm

Boso atencion ta un gran consuelo pa nos. Na nomber di famia Maduro, De Souza, Ras.

Aruba International Half Marathon 2020 posponi



ARUBA
INTERNATIONAL HALF MARATHON

IBiSA su careda tradicional 'Aruba International Half Marathon 2020' cu mester a tuma lugar dia 25 di maart di e aña aki a wordo posponi pa motibo di e pandemia di Covid-19. Despues cu e 'shelter in place' no tabata na vigor mas IBiSA a cuminsa cu preparacion pa sigui cu e careda cu e aña aki lo ta di 35 edicion.

IBiSA a propone un fecha den september, pero mirando e ultimo acontecimiento a tuma decision pa pospone AIHM 2020 te un proximo aviso.

IBiSA la lamenta cualquier incombenencia.

Royal Aurora

Funeral Home & Crematory

The LORD is my shepherd; I shall not want.
He maketh me to lie down in green pastures;
he leadeth me beside the still waters.
He restoreth my soul: he leadeth me in the paths of righteousness for his name's sake.
Psalm 23

With great sorrow we announce the passing of:



Janet May Martha-Joseph

*17-09-1962 - †30-07-2020

Date of funeral will be announced later.





Falta di no duna preferencia: Accidente serio na crusada di Palm Beach a laga 3 persona herida atras

DIARANSON mainta informacion a drenta di un accidente serio panort di e luznan di trafico na Palm Beach. Ya pa varios siman e luznan aki no ta den funcion, y a pone avisonan electronico ariba Avenida Nelson O. Oduber cu esakinan no ta trahando. Diaranson mainta un Kia Picanto v-car a subi e crusado for di banda di pariba, y pa su mala suerte tabata tin un pick up biniendo di pazuid cu velocidad hopi halto. Esaki mas cu claro a causa un impacto hopi duro, unda cu e lastra e v-car peg'e contra un mata di Kwihi, pa despues e pick up mes para panort di dje cara pabou.

Un total di tres persona a resulta herida, unda cu mester a haci uso di tres ambulance y rapid responder, y tambe dos unidad di Brandweer.

Bomberonan mesora a drenta den accion pa asina libera un dama turista cu a keda pega den e Kia Picanto.

Chauffeur di e pick up tambe a resulta herida, cu kap serio na cabes pero asina mes e la cana subi ambulance.

Tur tres herido a wordo transporta pa hospitaal.

Polis a cera e area pa asina trabounan di rescate por a tuma luga, esta di parti di Brandweer.

Takelwagen mester presenta pa bay cu ambos auto, mirando cu nan lo no por move ariba nan propio forsa.

Royal Aurora Funeral Home & Crematory

Mi a habri mi halanan bunita y silenciosamente a bula bai na mi lugar cerca mi Tata Celestial. Ey no tin dolor ni sufrimento, sino paz y alegria. Di eynan mi lo cuida tur esnan cu mi ta stima. Tene mi semper den boso curason. Cu imenso dolor na nos curason pero conforme cu Dios su boluntad, nos ta anuncia fayecimento di:



Sr. Ernesto Francisco de Kort

Mihor conosi como Netto
Lid in de orde van Oranje Nassau
*16-6-1938 - †28-6-2020

Na number di su querido:

Esposa: Maria (Riet) de Kort van Gemert

Yiu: Roeland y Maria de Kort-Mendoza

Nietonan: Jeffrey de Kort

Ashley de Kort

Rumanan: †Efrem y Magdalena de Kort y famia

Rudolf (Dufi) y †Ada de Kort y famia

†Nicomeda y †Patricio de Cuba y famia

Jacoba (Shone) y †Ireno Arends y famia

Robert (Roy) y Mery de Kort y famia

Alwina (Baby) y †Mariano Arendsz y famia

Roland (Ronny) y Nicomeda de Kort y famia

Mirto y Ricarda (Calchi) de Kort y famia

Swa y cuña: Annie y †Johannes Dijsselbloem y famia

Consuegro(a): †Julio Alejandro Mendoza y †Maria

Antonietta Mendoza Esquerre y famia

Ihanan: Patricia de Kort y Ismael (Esy) Winterdaal

Johannes (Han) Dijsselbloem

Hubert y Anna Maria de Cuba y famia

Amiga di cas: Jos Paesschen

Primo y primanan, sobrino y sobrinanan. Ex coleganan

di Dr. Horacio Oduber Hospitaal. Amigonan di S.V.

Mercurius y Aruba Lawn Tennis Bond.

Demas famia: de Kort, van Gemert, Dijsselbloem,

Mendoza, de Cuba, Garcia, Arends, Arango, Arendsz,

Croes, Paskel

Ta invita pa acto di condolencia y despedida cual lo

tuma lugar diahuebs 6 di augustus 2020, di 2'or pa 4'or

di atardi na Aurora Funeral Home.

Despues di despedida nos no ta ricibi bishita di

condolencia na cas.

Royal Aurora Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Cu inmenso dolor na nos curason pero conforme Dios su
Boluntad, nos ta anuncia fayecimento di nos yiu, Tata,
Ruman, Primo y Amigo



Hubert Elias Faro

Mihor conoci como "hip" Manda Pan Bai Forno
*20-07-1952 - †04-08-2020

Na Number di su:

Mayornan: Stefanita Faro

†Miguel Jong

Compañera: Milda Susana Inocencia

Mama di su Yiunan: Isma Carti

Yiunan: Robert y Jolanda Faro - Arp y yiu

Jacqueline y Gregory Jansen-Faro y yiu

y demas yiunan

Rumannan:

†Marcio Angela

Lourdes Angela y Rudolf Werleman y yiu

Marciano (Nico) Angela

Erwin (Win) Angela y yiu

Ronny Angela

Ester Angela y Jerry Vrolijk y yiu

Rudolfo (Rudy) Angela y susana Gomes y yiu

Tanta y Omonan, Primo y Primanan, Subrino y

Subrinanan, Nieto y Nietanan

y Bisnietonan, su ex Cuñanan, su bon Amigonan y

demas Famianan y Conocirnan

Faro, Angela, Arp, Jansen, Maduro, Carti, Tromp, Dirkz,

Kelly, Jong, Albert, Werleman, Webb y Giel

Nos Disculpa si den nos momento di tristesa nos por a

lubida un famia of conoci.

Acto di despedida lo tuma lugar diabierna 7 di augustus

2020 di 2'or pa 4'or di atardi na Aurora Funeral Home.

Cremacion lo tuma lugar den seno familiar.

Royal Aurora Funeral Home & Crematory

Gradicimento y Invitacion

Den number di famianan kier a duna un gratitud na tur
persona cu di un of otro manera a compania nos den nos
dolor pa perdida di nos querido tata



David Jose Maduro

Danki na tur zuster y broeder di Hospital piso 3. Na
suoncoloog dr. Randall Leong. Dankina Hospice Atardi
pa nan atencion durante enfermedad di papa y un danki
na tur persona cu a yuda nos. Sudocet di cas Dr. John
Croes, Sr. Liberato Hoek, cu mane nos yama nan
tawatate pa asisti papa.

Su asistente na cas pa mas cu 2 aña caba señora Sonia
Araujo. Y tur cu di un forma of otro a yuda mi tata. Danki
na wondenpolie pa nan atencion.

Na tur cu a asisti na entierro di nos papa cu pa nos tawata
un consuelo grandi danki na famia, amigo, bisiña y
conocirnan di curazon danki.

Nos lo kier ainvita tur amistad y conocirnan pa 3 santo
di sacrificio di misa.

Diahuebs 6, Diabierna 7 y Diasabra 8 di augustus 2020.

Na Cathedral San Fransiscana playa pa 7.00 p.m

Boso presencia ta altamente aprecia.

Hopi crucero a scoge Còrsou pa pasa e periodo di pandemia



WILLEMSTAD – Antayera y ayera tabata un dia glorioso pa Còrsou cu yegada di asina tanto barco di turista cu e companianan a scoge pa bin pasa e periodo di pandemia di Covitis na Còrsou danki na te ainda nos bon facilidatnan.

Especialmente e barconan mará na jetty na refineria Isla tabata un bista spectacular, pasobra asina leu cu nos ta recordá nunca barco di turista a mara n'e jetty di nos refineria.

Ayera a duna un recuento caba di e barconan cu ta na Còrsou, pero mientrastantu nan a bira 9.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL



EDITOR:
Bonaire Communication Services N.V.

Djarason 5 ougùstùs 2020 | Preis: \$0,60

AYÓ SAKU DI PLÈSTIK

Bunita luna yen atrobe



Kada luna yen ta ún. E foto aki, saká na kosta, ta musta luna yen na kuminsamentu di siman. E luna yen aki, despues di kuater luna, tabatin atrobe e aktividat 'Anochi ku luna yen'.

KARA BONERIANO



Un kara konosí na Boneiru ta Nolly Wilsoe. E ta selador. Den pasado e tabata miembro di Konseho Insular pa UPB.

Tene nos playanan limpi



No ta tur shofùr di dòmrùk tin reibeweis

KRALENDIJK -- Tin indikashon fuerte ku no ta tur shofùr di dòmrùk òf trùknan grandi na Boneiru tin e tipo di reibeweis rekerí pa lei. E korant aki ta risibiendo informashon persistente tokante e situashon aki, ku ta un menasa pa siguridat di tráfiiko. Lástima ku di parti instansianan konserní nan no ta masha rápido den sum-inistro di informashon na prensa.

Último tempu por a tuma nota di hopi trùk grandi ku ta hasi uso di nos kareteranan i tambe e asina yama flètrùknan. Ta ripará tambe ku e siguridat di tráfiiko ta bira mas insegur ku e shofùrnan ku ta manehá e trùknan.

Redakshon di nos korant último tempu ta pone hopi atenshon na nos kareteranan i tambe e seguridat ku mester tin. Ta p'esei a kuminsá hasi un investigashon kon e asunto di trùknan aki ta hinká den otro i tambe a kuminsá ku un lista pa enkuesta.

Pa por a haña dato mas konkreto i por opiná mas konkreto, redakshon a aserka e direktorado di Maneho di lei i Órden. Ta mas ku tres siman ku nos a aserká e direktorado aki pa haña informashon, pero te ainda nos no por a haña nan kontesta riba nos preguntanan. Ta p'esei nos redakshon a kuminsá pone nos opservashon for di awor. wardando e kontestanan.

Oumento di trùk

Por a tuma nota ku hopi trùk grandi a subi nos kareteranan i tambe e asina yama flètrùknan. Bou di flètrùk por komprondé e pikùp ku baki plat ku tin un peso mas ku 3500 kilo. Pa por kore e pikùp tipo flètrùk aki bo mester di reibeweis C. Manera nan ta bisa den boka di pueblo reibeweis pa trùk.

Awor ku tin konstrukshon por mira hopi di e flètrùk i trùknan aki riba nos karetera ta kore ku karga pisa i tambe ta transportá stenslag, semènt i lo de mas pa konstrukshon. Algun bes por tuma nota

ku ta karga e trùknan aki mal kargá i hopi di e karga nan aki ta keda tras riba nos kareteranan. Esaki ta trese kuné ku e seguridat den tráfiiko ta hopi menasá, spesial kon e shofùrnan di e trùknan ta manioobra riba nos kamindanan.

Talbes e shofùrnan aki no tin e eksperensia nesasario òf e konosementu pa manehá e trùknan aki? Ta p'esei nos a aserká e direktorado konserní pa a haña e informashon kon esaki ta den práktika na momentu di pasa e eksamen di trùk, esta reibeweis C.

Konfushon

Redakshon di e korant aki a hasi un investigashon pa sa kon e asunto di reibeweis aki ta bai. A sali for di nos investigashon ku tin un konfushon den reibeweis B i esun C. For di e kontesta ku nos a risibí di e pregunta ku a hasi na diferente hende ku ta kore e pikùp 'flètrùk', ku nan ta apto i por kore legalmente e p[ikùp flèt ku reibeweis B.

Ora a puntra kuantu kilo nan pikùp mag tin, nos no a haña kontesta konkreto. Ta parse ku direktorado di Maneho di lei i Órden no a pone hopi énfasis riba e pregunta aki na momentu di eksamen, e kontestanan ta bisa.

Redakshon di e korant aki no tin dato kuantu hende a pasa e eksamen aki den 2019 i 2020, pa nos por a hasi un investigashon mas konkreto segun e kantidat di hendenan ku a pasa e eksamen konserní. Nos redakshon ta spera riba un kontesta di e direktorado pa por kompartí esaki.

Trailer

Tambe por a tuma nota ku mas i mas hende ta pone un trailer tras di nan outo i tambe tras di e pickup flèt nan aki. Pa hasi esaki e persona konserní mester di un reibeweis pa kore ku trailer. Esta reibeweis E. Den nos pregunta na personanan ku tabatin un trailer tras di nan outo òf trùk, tambe tabatin algun ku sa esaki, pero no ta prekupá masha, ya ku no sa kontrolá riba e partikularidat aki, segun e kontestanan.

For di empleado di e direktorado konserní nos por a komprondé ku ta polis

mester hasi nan trabou. Nos redakshon a tuma kontakto ku polis pa sa kon henter e asunto di kontrolá riba reibeweis aki ta hinka den otro.

Por a konstatá tambe ku tin kompanianan grandi i hasta di gobièrnu ku ta laga empleadonan kore ku trùk pisa i ku trailer sin e reibeweis nesario.

Solushon

Nos redakshon no ke stroba ningun hende pa nan por gana nan pan di kada dia. Pero nos ta kere den un tráfiiko sigur ku ménos aksidente. Spesial awor ku

kayanan ta hopi malu i yen buraku, esaki pa evitá aksidente sin ta na nodi.

Tambe for di kontestanan ku nos a risibí, ku mester bini un kampaña pa konsientisá e outomobilistanan. Konsientisá riba nan mes seguridat, ku nan mester e reibeweis konserní pa manehá e vehíkulo ku nan ta manehá.

E punto aki tambe nos a aserká e direktorado konserní pa sa ku lo bin un kampaña di konsientisashon pa outomobilista pa sa kua ta e dokumentunan mester pa manehá kua tipo di vehíkulo.



Kantidat di trùk grandi a oumentá hopi na Boneiru.

Detenshon den kaso 'Paraguay'

KRALENDIJK – Autoridatnan polisial a detené dos persona relashoná ku e investigashon den un kaso ku a bira konosí bou di e nòmber kaso 'Paraguay'. Ta trata di e dama diisialnan L.M. di 47 aña di edat i e kabayero A.v.d. B. di 67 aña di edat.

E detenshonnan a tuma lugá relashoná ku entradanan hudisial ku a hasi riba 15 di yùli 2020. E dia ei bou di guia di fiskal di Ministerio Públiko a tuma lugá tres entrada bou di guia di fiskal di Ministerio Públiko, den e barionan di Hato i Antriol. Ehekushon

di e entradanan hudisial tabata un kolaborashon di KPCN su departamentu di PGO, RST i KMar i tabata den kuadro di Trafikashon di hende i eksplotashon laboral den un bar/restorant. Durante e entradanan a konfiská vários artíkulo.

2019 aña eksitoso pa ROA Hulanda Karibense

KRALENDIJK -- Raad Onderwijs Arbeidsmarkt Caribisch Nederland (ROA CN), e Konseho pa enseñansa i merkado laboral Hulanda Karibense, resientemente a publiká su relato anual 2019. Den su palabranan di introdukshon, Elyane Paul, direktora di ROA CN desde 1 di sèptèmber 2012, tirando un bista atras riba aña 2019, ta duna un bista di e logronan den e aña ku a transkurí. Den 2019 ROA a organisá entre otro 15 enkuentro pa e sektor i a otorgá 198 rekonosementu. Tambe a sertifiká 197 entrenadó.

Trabou intermediario

Paul ta splika ku ROA ta ehersé un trabou intermediario na Boneiru, Sint Eustatius i Saba. Basá riba su tareanan legal, e konseho tin áreanan komun ku tur sektor den Hulanda

Karibense. P'esei e konseho akí ta haña importante pa kooperá ku tur partnernan di e kadena pa den estrecho koordinashon. Basá riba e responsabilidat kompartí akí, ROA ta hasi esfuerso pa logra un desaroyo balansá komun pa tantu enseñansa vokashonal, komo merkado laboral. Esaki ta e motibu dikun ROA CN na 2019 a bolbe invertí tempu i atenshon den kolekshon di dato i desaroyonan riba tur tres isla di Hulanda Karibense.

Demanda mas grandi ku oferta

Resultado di e esfuerso aki ta ku ROA a entregá un konseho na ministerio di Enseñansa, Kultura i Siensia, for di kua ta resultá ku den e sektornan di konstrukshon, téknika i horeka, e demanda pa labor ta mas grandi ku e oferta. Un kompilashon di e kon-

seho anual aki pa di promé bes ta disponibel online. Ademas ministerio a disidí ku ROA den 2020 por kuminsá prepará pa ehersé tareanan di un asina yamá National Training Agency (NTA) na Saba i Sint Eustatius. Ta na ROA awor pa kombertí esaki den un plan stratégiko.

Banda di un responsabilisashon e relato ta na mes momentu un kapstòk pa aktividat- i palabrashonnan ku diferente partnernan di e kadena pa 2020. Ta a base di esaki tambe por hasi eskohonan supstansiá tokante formashon- i kompanianan edukashonal nesesario na Boneiru, Sint Eustatius i Saba riba término kòrtiku i mediano, di manera ku e desaroyonan den enseñansa profeshonal i merkado laboral ta konektá mas estrecho riba prioridat pa desaroyo ekonómiko di e isla-

nan.

Data bootcamp

Den 2019 a sertifiká 197 entrenadó. Esaki ta nifiká un kresementu di mas di 60 porshento kompará ku 2018. ROA CN a tene tambe ku éksito un asina yamá data bootcamp, na kua kasi tur partner di e kadena a partisipá. E meta prinsipal di e aktividat akí tabata, pa kompartí konosementu tokante data. A forma

un grupo di trabou yamá: 'Caribisch Nederland Informatieproject Arbeid & Onderwijs (CIAO)'.

No opstante e echo ku e tim chikitu di ROA CN a konosé retonan tambe den 2019, a kumpli ku e tareanan legal i ta keda un organisashon den desaroyo. A publiká e promé 'infographicsnan' i tin plan pa realisá un 'videographic' den 2020.

\$ 17.80 KÈSH pa 25 palabra inklui 6% ABB
ta risibí aviso te ku 3'or di tardi

**SUPER
KLASIFIKADO**

BACK TO SCHOOL

Dushi Shoes tin hopi merkansia pa skol e.o. kèds marka: Skechers, Polo, Nike, (Dakine 50% off) mea, tas. Nos ta situá den Kaya Grandi
Tel: 717-7080

REEFSTORE

Nos tin hopi slòf pa esnan ku ta bai ku vakashon. Tambe biaha ku bo slòf na pia, ta hopi mas fásil. Orario 10or-1or/ 2or-4or. Tel 717-8300.

Arte di palabra e aña akí ta na Boneiru

Premio 'Pipita di Kònkòmber' pa Denise de Jongh-Rekwest

KRALENDIJK – E premio 'Pipita di Kònkòmber' a keda otorgá e aña akí na Denise de Jongh-Rekwest. El a risibí e premio di arte i literatura akí pa su aporte i estímulo na idioma papiamentu i pa promoshon di ortografia di papiamentu. Diputado James Kroon, remplasando diputado Nina Den Heyer, a entregá e premio na Denise de Jongh-Rekwest.

E aña aki Skál, Sekshon di Kultura Arte i Literatura den koperashon ku komishon Arte di Palabra a selebrá diessinku aña di Arte di Palabra Boneiru. Arte di Palabra ta un kompetensia Literario, di Poesia i kuenta kòrtiku. E aña aki e tema

tabata 'Fiesta di palabra'.

Skál den koperashon ku komishon Arte di Palabra e aña aki a dediká e premio "Pipita di Kònkòmber" na Denise de Jongh Rekwest pa su aporte i estímulo duná na uso di idioma papiamentu i pa promové ortografia di papiamentu. De Jongh Rekwest ta skirbi i publiká buki, storia pa mucha, artíkulo di etikèt na papiamentu, i Denise ta tambe un baluarte di idioma papiamentu.

SKAL i komishon Arte di Palabra ta partisipá ku e kompetensia di Arte di palabra entre islanan ABC, lo tuma lugá 15 di ougùstùs 2020 aki na Boneiru.



Organisá pa FuHiKuBo otro siman

Kurso di geologia di Boneiru na enkargo di Leon Pors

KRALENDIJK – Otro siman Leon Pors, un persona spesialisá den geologia, ta di bishita na Boneiru pa duna un kurso tokante geologia di e isla aki. Kon Boneiru a forma geológikamente i bira loke e ta awe? Ki sorto di piedra tin riba e isla aki? Ta entre otro preguntanan ku Leon Pors lo atendé ku e kursistanan.

Fundashon Histórik Kultural Boneriano (FuHiKuBo) ta organisá e kurso aki, despues di a mira e nesesidat serka hopi hende pa sa mas di geologia di Boneiru. Ademas tin un grupo di kanadó di mondi bou di alanan di FuHiKuBo, Grupo Chantiwawa, ku desde kuminsamentu di e

aña aki ta topando ku piedranan hopi interesante.

Dos miembro di Grupo Chantiwawa a forma mientrastantu un kolekshon di piedra interesante ku nan a enkontrá durante e kaminanan. Rossan resientemente a laga Leon Pors, kende ta operá un museo arkeológiko na Kòrsou, mira algun piedra for di e kolekshon. Pors a reashoná entusiasma.

Resultado di e kontakto aki ta ku Leon Pors a bai di akuerdo pa duna un kurso tokante geologia di Boneiru riba e isla aki otro siman, riba dñanan djarason, djaweps, djabièrnè i djasa-bra.

E kurso ta konsistí di tres

anochi di teoria i un seshon di práktika durante dia, Fecha /Orario i Tema di Kurso (12 Aug-16 ougùstùs) ta lo siguiente:

Djársan 12 di ougùstùs; Ora 18:30-21:30; Lès 1 : Introdukshon di geologia general i introdukshon material di lès.

Djaweps 13 di ougùstùs; Ora: 18:30-21:30; Lès 2: Mineral (parti 2) tipo di formashon geológiko.

Djabièrnè 14 di ougùstùs; Ora : 18:30-21:30; Les 3: Platentektoniek i formashon di Boneiru.

Finalmente 15 ougùstùs tin un seshon di práktika atraves den un ekskurshon. Durante e kurso lo anunsiá e lugá orario.

Te ainda ta planeá pa tene e kurso den sala di FuHiKuBo. Si tin hopi interes lo por desvia pa un otro lokalidat.

Preis pa partisipá na e

kurso ta: 60 dòler pa persona. Por inskribí na telefon 717-8482 (Extra) pa mas tardá djaluna awor pa 5or di atardi. Kupo ta limitá.



Geólogo Leon Pors den e programa 'Aki Kòrsou' grabá kasi 1 aña pasá.

AYÓ SAKU DI PLÈSTIK

KRALENDIJK -- Saku di plèstik ta saliendo pokopoko for di sirkulashon na Boneiru, sin ku tin regla



Xuwen Cen: "Nos tambe ta kontribuí na medio ambiente."

of lei pa prohibí esaki. Despues ku supermerkadonan grandi pa algun aña a stòp di usa saku di plèstik pa pone komestibel aden pa nan klientenan, por ripará ku supermerkadonan chines tambe a kuminsá stòp ku entrega di saku di plèstik na nan klientenan, loke ta un paso positivo pa pokopoko yega na yama ayó na e tipo di sakunan di plèstik aki.

E sakunan aki a kombertí den un problema grandi pa medio ambiente último dékadan. Nan ta resultá riba kaya, ta pega den mata, palu i káktus. E material aki no ta kibra of

disolvé fásil.

Den añanan nobenta e movimentu 'Tene Boneiru Limpi' a logra dominá i tene distribushon di saku di plèstik hopi bon bou di kontrol, pero despues e situashon a bolbe sali fo'i man.

Informashon di kua BONERIANO ta disponé ta indiká ku den seno di doñonan di supermerkadonan chines tambe a kuminsá mira e nesesidat pa eliminá saku di plèstik. Un dje promé supermerkadonan chines ku a stòp di entregá saku di plèstik tabata Lucky Supermarket na Kaya Industria. Despues mas a sigui.

Dos siman pasá Wing Cheung Supermarket na Antriol tambe a stòp ku uso di saku di plèstik. E kliente mester bini ku su mes tas. Opshon ta pa usa kaha di karton si tin disponibel na e momentu ei.

Xuwen Cen, propietario di Wing Cheung, a deklará na e korant aki ku nan ta bai sòru pa un tas durade-

ro ku lo bende na un preis barata ku klientenan. Asina e supermerkadu aki tambe

ke kontribuí na medio ambiente di Boneiru.

Yamada urgente pa tèst

KRALENDIJK—Aruba ta hasi un yamada urgente na tur persona lokal di Boneiru i Kòrsou, ku tabata na Aruba entre 17 di yùli pa 3 di ougùstùs, pa laga tèst nan riba COVID-19. Esaki pa motibu ku djaluna último a

registrá 2 kaso di transmishon di COVID-19 lokal na Aruba i despues 3 kaso mas.

Riba un solo dia a yega te na 5 kaso di transmishon di COVID-19. Ayera a bolbe registrá 5 kaso lokal mas. Entre

esunnan positivo a saka afó ku nan tabata presente entre 17 di yùli pa 3 di ougùstùs na un di e siguiente lokalidatnan: Gusto Night Club, Lola/Craft Bar and Restaurant and Night Club i Muscles and Lungs Gym.

Hendenan ku tambe tabata presente por a bin den kontakto ku e vírus i por tin riesgo di a keda kontagiá. Esnan di Boneiru mester tuma kontakto ku Departamentu di Salubridat Públiko.



Saku di plèstik ta hasi hopi daño na medio ambiente. Hopi pais a prohibí nan uso kaba.

Mensaje de la Virgen María Reina de la Paz del 05 de Agosto de 2020; Medjugorje; Bosnia Herzegovina

"Queridos hijos! En este tiempo turbulento en que el demonio está cosechando almas para atraerlas hacia sí, los llamo a una oración perseverante para que en la oración descubran al Dios del amor y de la esperanza. Hijitos, tomen la cruz en sus manos. Que ella sea para ustedes estímulo de que el amor triunfa siempre, especialmente ahora que la cruz y la fe son rechazadas. Con sus vidas, sean ustedes reflejo y ejemplo de que la fe y la esperanza aún están vivas y que un mundo nuevo de paz es posible. Estoy con ustedes e intercedo por ustedes ante mi Hijo Jesús. ¡Gracias por haber respondido mi llamado!" 08/05



Dushi áwaseru e dianan aki. Naturalesa ta den su gloria. Paranan ta kontentu. Palu i matanan ku tabata seku, kasi morto, luchando bou di yuko di sekura, a biba atrobe. Blachi a kuminsá sali. Nan ta laga sa ku nan t'ei ainda, ku nan tin bida. Djadumingu pasá, kanando ku Grupo Chantiwawa djis pegá ku kas, Ser'i Angola i Seru Grandi, nos por a ripará kon naturalesa a biba atrobe. Hopi bunita i impreshonante.

Den e dianan aki bo por komprondé mas ku nunka e ekspreshon ku ta bisa: "Awa ta bida". Awa ta bida bèrdat. E yobidanan últimamente tabata hopi nesesario. Pasobra naturalesa promé ku awa a kuminsá kas nos naturalesa tabata di luto debí na sekura. Te asta yuana, un animal hopi resistente kontra sekura, tabata luchando pa sobreviví. Nan tabata suak, sin forsa, kasi pa sukumbí. I por a topa ku diferente yuana morto tambe den mondi.

Ta di spera ku e yobidanan aki lo stimulá hende pa planta na nan kas. Tambe stimulá hende pa kolektá awa di yobida. Traha sistema di het pa kolektá áwaseru ku ta kai riba dak. Kumpra baki grandi pa warda awa. Te asta pensa pa invertí den konstrukshon di renbak.

Na unda mi ta biba tin un renbak. M'a lanta hañ'é i ketu bai e ta den bon kondishon. E ta wanta awa bon. Mi ta usa e awa tambe pa muha matanan di spinazi, anasa, lamunchi, orégano, lamungras, yerbi hole, yambo, silantro, 'mint' etc. Sebel mi yu ta fasiná pa e echo ku e por bai den kurá i piki blachi di 'mint' pa traha te. M'a must'é kon fásil 'mint' ta planta i krese. Un dje dianan aki nos ta traha 'mojito'. Boso tambe por!

Biniendo bèk riba nos kaminata di djadumingu último ku Grupo Chantiwawa. Nos a subi Ser'i Angola, un seru ku komo mucha m'a subi na masha hopi okashon di tur banda. Awor ta difísil pa subié. Danki Dios mi amigu di infansia Simon a habri un kaminda dilanti su kunuku pa subié.

Komo mucha nos sa sinta riba kabes di e seru aki pa konta outo ku ta bai i bini for di direkshon di Rincon. Algun tempu pasá Eddy Christiaan ku mi tabata komentá esaki. Tabatin tiki outo (dékada sesenta). Dushi tempu.

KRALENDIJK -- "M'a siña i haña hopi eksperensia den Fenty Music." Esaki Gerald Alberto a deklará na e korant aki. Manera BONERIANO a primintí, awe nos lo publiká kombersashon ku nos a hiba ku e último (te ainda?) integrante di Fenty Music ku a entregá su retiro. Ta trata aki di e hóben Gerald Alberto.

Gerald a kombertí su mes sigur den un kantante hopi gustá serka fanátikonan di e banda Fenty.

Manera ya menshoná, wikènt tras di lomba Gerald tambe a entregá su retiro na maneho di e banda. Gerald a bira number 4 ku ta bandoná e banda. Phillip Bernabela i tambe JC tabata e proménan ku un tras di otro a entregá nan retiro na maneho di e banda. Pa djis despues Luigi Molina tambe sigui nan tras.

Sin duda esaki lo mester ta un sla pa e banda p'e echo ku despues ku e proménan a bai, ya e banda a kuminsá traha duru pa keda riba pia i remplasá esnan ku a bai. Por bisa ku nan tabatin esaki práktikamente kla i djasabra último Gerald ta e siguiente ku ta entregá su retiro.

Gerald Alberto ta konfirmá salida for di e banda:

“M'a siña i haña hopi eksperensia den Fenty Music”

Konfirmashon

BONERIANO a tuma kontakto ku doño di kurpa pa wak kiko e tin di bisa riba e partikularidat aki i tambe si ta kuadra ku despues di `Taste of Bonaire` el a entregá su retiro. Gerald a deklará: "Mi kier a konfirmá ku enbèrdat mi a entregá mi karta di retiro na maneho di Fenty Music. Ku esaki mi ke a kuminsá na gradisí e famia di Fenty kompleto pa 4 aña ku sigur nos a pone pueblo di Boneiru ariba bou. Nos a sa di duna nos isla un banda riba nivel i semper duna pueblo loke pueblo pidi, kompañando otro artistanan, manera Hunnelly, Dibo D, Dju Dju V, Clifton End, Ray Lauffer i hopi mas."

Siña hopi

Segun Gerald Alberto, el a siña hopi di su eksperensia ku Fenty. "Mi por bisa ku mi ta un persona ku gusta reto nobo i sigui desaroyá den tur tipo di género musikal. Ora ku mi ke algu i pone mi mente pa esei, mi ta bai p'e tur ku tin i duna tur di mi banda pa logra e meta ei. Momentu ku Jairo Evertsz a presentá ku e idea i mustra e interes den



mi persona, mi a bai pensa hopi bon kiko mi ke sigui hasi ku mi karera musikal. Kiko mi ke logra, unda mi ke yega."

"Mi a duna tur di mi banda pa Fenty i ta sinti ku tur kos ta pasa pa un motibu. Sigur mi ta hopi agradesido na tur loke Fenty a hasi pa mi i tur loke mi a logra huntu ku nan. E siguiente etapa aki mi ta sinti lo bai ta e 'next step' pa mi, mi a kere den e idea i mi ta kere den e proseso. Forma parti di e agrupashon musikal nobo ta loke mi a skohe p'e, serando e kapitùlo ku Fenty Music manera debe ser, pasobra nan lo keda semper famia pa mi."

Balor agregá

Manera por lesa, Gerald ta splika ampliamente riba su desishon i kiko ta su pensamentu mara na esaki. Un kos ta sigur, Gerald a demostrá di por move públiko sigur pa loke ta trata ambiente. Pues su partisipashon den un otro banda sigur lo ta di balor agregá.

BONERIANO ta bai sigui tur e desaroyonan hopi di aserka, mirando ku tin algun moveshon mas interesante na kaminda.

Manera ya a duna di konosé anteriormente, esnan pará tras di e banda no ta deskonosí den e mundu di farándula. Ta trata aki di Jairo Evertsz i tambe Dwight Leoneta. Philip Bernabela a djòin e duo i huntu nan ta forma e trio ku ta preparando un konsepto nobo pa loke mundu farandulero.

Jairo Evertsz

Jairo sigur ta un dje pilánan fuerte tras di e banda rubiano Buleria, pues ta un persona ku sa kiko e ta hasi. Meskos ta konta pa Dwight Leoneta ku den pasado tabata forma parti di e banda Cache na Hulanda i aktualmente ta tras di e banda Buleria.

“Ta di lamentá ku no ta tur hende ta respetá desishon di otro i ta bira emosional”. Evertsz ta referí na un `voice` ku ta sirkulá riba ret sosial kaminda ta ofendé e kantante Alberto. "Tristu i no profeshonal", ta loke Jairo ta kalifiká e akto aki.

Por último Jairo tambe a enfatisá ku ainda e banda no tin nòmber, pero ta garantisá miembronan di e banda i tambe Boneiru di kombertí e banda den un éksito total.

Skuch'é

Siña di bo historia, kultura i naturalesa

Bonaire.tv
Historia | Kultura | Naturalesa

Kanal 70 Telbo – Kanal 23 Flamingo TV



E STORIA DI 'HILMA HOOKER'

Pa: Bòi Antoin

Prólogo

Un di e difikultatnan mas grandi ku mi tabatin, na momentu di pone e relato di Hilma Hooker riba papel, tabata kiko hasi ku nòmber di e personanan lokal ku tabata embolbí di un manera òf otro ku e kaso aki. Nan no tabata sospechoso, pero tòg tin algun ku a hunga un papel hopi importante den e kaso aki komo testigu.

Despues di hasi un evaluashon profundo i kontinuo, tambe pidiendo konseho di algun persona yegá, mi a opta pa usa nòmbernan fiktisio ora ta trata di hendenan lokal. Esaki a sosodé tambe ku e sospechoso prinsipal den e kaso aki, ku tabata bibá na Aruba i ku a haña apsolushon di e akusashonnan tantu den Korte den Promé Instansia komo Korte di Hustisia.

Bon mirá, no tabata nesesarior pa a usa nòmbernan fiktisio. Den e tempu ku e kaso a tuma lugá, tur nòmber di e personanan aki a keda publiká, tantu djis despues ku e kaso a tuma lugá komo durante tratamentu di e kaso den korte. Pero tòg, komo ku asina tempu a pasa, mi no ke pone nan nòmber den relashon ku Hilma Hooker, anke nan no tabata sospechoso niun momentu.

Nòmber di e personanan den estranheria, manera di e tripulantenan i e personanan tras di e operashon aki na Colombia, a keda igual. Esaki ta e kaso tambe ku e outoridatnan lokal.

Hilma Hooker

Den fin di dèkada sesenta di siglo pasá Boneiru a kuminsá sera konosí pokopoko ku e fenómeno di droga. Hóbennan di e isla aki a kuminsá siña kiko ta mariwana, e droga mas konosí den e tempu ei. Kokaina ainda

tabata hopi desconosí.

Promé ku esei, e úniko droga konosí serka Bonerianonan ku a bai nabegá tabata opio. Na bordo di e tènkernan di Lago i Shell, riba kua hopi Boneriano a nabegá, tabatin tambe hopi Chines empleá. E Chinesnan aki tabata usa opio.

Den dèkada setenta i parti di ochenta por a nota basta aktividad di transporte di mariwana for di Colombia pa Merka. Tabata usa un ruta via Miami. E barkunan tabata sali prinsipalmente for di Santa Marta, Cartagena i Baranquilla ku destinu Merka.

Meimei di aña 1984 un di e barkunan aki, despues di move basta den Caribe, a resultá na Boneiru. Tabata trata di e barku Hilma Hooker.

Hilma Hooker tabata un barku òf bapor kategorisá komo un "general cargo vessel" ku un tipo di dèk ku nan ta yama na ingles "open shelter deck". Largura di e barku aki tabata di 71.79 meter, conforme e normanan usá den e asina yamá "Wet op Zeevaartdiploma's 1935". E tabata un barku ku kontenido bruto di 691 tòn i nètò 278 tòn.

Konstruí na Hulanda

Na aña 1951 e kompania di

konstrukshon di barku C. van der Giesen, establese na Krimpen aan de IJssel, Hulanda, a traha e barku aki, ku, promé di a haña e nòmber Hilma Hooker, a usa otro nòmber. Promé ku e barku a haña e nòmber Hilma Hooker, el a nabegá respektivamente bou dje nòmbernan di Doric Express, Anna C, Williams Express, Mistral i Midsland. Su number di identidat tabata 5234515.

E barku tabata propulsá pa un motor Werkspoor Diesel 45A di 6 silender, instalá den e barku aki na momentu di su konstrukshon na 1951. E kapasidat di e motor tabata di 1260 forsa di kabai i e tabatin un chapaleta.

Hilma Hooker, na momentu ku el a aparesé den bahia di Kralendijk riba dia 5 di yùni 1984 masoménos kuartu pa shete di atardi ya birando anochi, ku solo buskando su kaminda pa bai sosegá na horizonte, tabata oficialmente registrá komo propiedad di e kompania San Andrés Export & Import Co., establese na Isla de San Andres.

San Andres


E isla San Andrés, pertenesiente na Colombia, a hunga un papel tòg importante den henter e storia rònt di Hilma Hooker,

konsiderando ku ta na e isla ei e barku aki tabata registrá. E doño di Hilma Hooker tabata pues oficialmente e kompania San Andrés Export & Import Co. Ken e akshonistanan di e kompania aki tabata nunca a sali na kla.

E archipiélago di San Andrés i Providencia, manera ta denominá e área aki, ta situá na 480 mia nortwèst di tera firme di Colombia den Laman Caribe. E archipiélago aki ta den kontakto ekológiko i arkeológiko estrecho ku e parti nort di Colombia, América Sentral i otro islanan den Caribe i e ta konsistí di e islanan San Andrés, Providencia i Santa Catalina, Bolivar i islanan Albuquerque; Cotton, Haynes, Johnny, Roncador, Serrana, Seranilla, Quitasueño, Rocky i Crab Cays, Alivia i Bajo Nuevo Sand.

Hopi historiadó ta kere ku a deskubrí e archipiélago aki na 1629 pa puritanonan ingles i kòrtadónan di palu prosedente di Jamaica. Despues sinembargo, den segundo mitar di siglo 17, Spañónan a konkistá e islanan aki.

Durante 200 aña ingles, hulanandes, franses i spañónan tabata den disputa pa poseshon di e islanan aki. Durante e mesun periodo aki e famoso pirata



ingles Henry Morgan a usa San Andres komo base di su operashonnan i, di akuerdo ku leyenda, ta riba e isla aki e pirata tabata skonde e tesoronan ku e tabata konkistá.

Historia similar

Anke ku tur e islanan aki no a desaroyá den e mesun forma, nan historia ta similar, pues deskubrí pa inglesnan, pero kolonisá pa spañólan. Pa 36 aña a goberná e islanan aki bou di regla militar. Pa hopi aña Spaña i Inglatera a bringa pa logra kontrol di e islanan. Kada bes mester a baha e bandera spaño pa hisa esun ingles. E situashon a bira mas trankil ku firmamentu di e Tratado di Versailles na 1793, pa medio di kua Inglatera a rekonosé e soberania di Spaña riba e archipiélago. Sinembargo a mantené negoshi ku Inglatera.

Despues di 300 aña di historia turbulento, a desaroyá un rasa di hende koló brùin, wowonan di un koló kla, un idioma ingles ku aksènt karibense, protestantnan deboto i keredónan den magia. Un historia ku ta kontené ingredientenan hulandes, franses, afrikano, ingles i spaño, ku a bringa pa e islanan, gana, pèrdè i okupá e islanan aki na diferente okashon.

Mas despues otro rasa i kulturanan a yega riba Isla San Andrés, manera hendenan di otro islanan di Caribe, chines, hendenan di desendensia árabe.

Ekonomia di San Andrés tabata basá riba produkshon di katuna i tabaku, kaña, awakati i apelsina. Ku abolishon di sklabitut na 1853, koko a remplasá katuna i no muchu despues e isla ta eksportá koko pa Estados Unidos.

Hopi moveshon

Na kuminsamentu di siglo pasá tabatin hopi moveshon di barku di bela na San Andrés. Barkunan bou di bandera merikano tabata bin kue lotenan grandi di koko, kaska di turtuga i katuna, miéntras ku e barkunan aki tabata deskargá bebida, karni salgá, hariña i otro produkto di konsumo i uso.

Na 1930 un plaga a destruí práktikamente henter e plantashonnan komersial di pal'i koko na San Andrés.

Loke definitivamente a kambia direkshon di ekonomia di San Andrés tabata e desishon

pa a hasi e isla un porta liber. Esaki a sosodé na aña 1953 i el a kue habitantenan di e isla di sorpresa.

Ku deklarashon di San Andrés komo porta liber, e isla a bin haña un empuhe ekonómiko formal, pero esaki a habri kaminda tambe pa aktividatnan di kontrabanda, spesialmente dirigí riba eksportashon di mariwana i despues kokaina pa Estados Unidos.

Historia tras di nòmber

Nòmber di e barku Hilma Hooker ta referí na un señora prominente ku tabata biba na San Andrés. E tabata yama Hilma Hooker i su kasá Cardenal Hooker. Nan tabata miembro di Iglesia Atventista di Shete Dia, un di e religionnan grandi riba e isla.

Un di e yu hòmbènan di Hilma Hooker sinembargo a subi mal kaminda i tabata embolbí den trafikashon di droga. Ta probabel ku e tabata un di e doñonan di e kompania San Andrés Export & Import Co., registrá komo doño di e barku Hilma Hooker. Dunando e barku aki nòmber su mama kisas e kier a duna honor na su mama, kende por sierto na 1984 tabata ainda na bida.

Outoridatnan di Merka tabatin sospecho fuerte ku na bordo di e barku aki tabatin un lote grandi di mariwana. Nan tabata sigur di esaki, pero no tabata sa na unda. Nan a informá outoridatnan di diferente isla i pais den Caribe ku nan mester a tene e barku aki bon na bista i eventualmente tene kontrol na bordo. E informashonnan aki sinembargo, pa un òf otro motibu, no a alkansá Boneiru na momentu ku Hilma Hooker a aparesé den bahia di Kralendijk.

Informashon ku e agensianan internashonal aki a pasa pa outoridatnan na Aruba, tabata ku Hilma Hooker a sali for di Colombia ku destinu e isla ei, pero pa un òf otro motibu a kambia e destinu pa Boneiru. Kisas nan a pensa ku na Boneiru, un isla trankil, no tabatin polis i duaneronan spesialisá pa por a logra deskubrí e droga na bordo.

Konosí na Kòrsou

Hilma Hooker tabata un barku hopi konosí den haf di Kòrsou. Na vários okashon el a yega di drehta haf di e isla ei. E aktual kapitan di haf na Boneiru, Oswin

Statie, ta kòrda ku den e tempu ku e tabata traha komo lots den haf di Kòrsou, na diferente okashon el a subi na bordo di Hilma Hooker pa asistí e kapitan. E tempu ei, na fin di añan setenta, e barku tabata den kondishon hopi bon. Tabatin un tripulashon prinsipalmente di Hulandes Oropeo i loke semper Statie a keda kòrda ta ku nan sa biaha tin bes ku muhé tambe na bordo.

E kuater funshonarionan di Departamentu Hudisial (Reshèrshi) di Kuerpo di Polis – sekshon Boneiru –, ku for di e dia 5 di yùni 1984 ei ku Hilma Hooker a yega Boneiru a haña nan mes embolbí ku e kaso, tabata Rudolph (Dòlfi) Davelaar, George (Chucho) Maduro, Philip (Fichi) Bernabela i William Giromus. Davelaar tabatin e rango di supinspektor, Maduro tabata mayor (hoofdgent), miéntras ku Bernabela i Giromus ámbos tabata agente polisial promé klase.

Despues ku Hilma Hooker a mara na waf, e kuater funshonarionan polisial aki a subi na bordo pa hasi un investigashon, komo ku e datonan ku kapitan di e barku a duna outoridatnan di Imigrashon tabata parse improbabel.

Tripulashon

E kapitan su nòmber tabata Vicente Robinson-Walter, nasé na Isla Providencia, Colombia, dia 3 di mart 1923. Ku su 61 aña di edat e tabata e persona di mas edat na bordo di Hilma Hooker.

E stürman di e barku tabata Onaldo Rafael Charris-Garcia, nasé dia 27 di yùni 1943 na Pivijay, Colombia.

E bosman tabata Guillermo Gonzalo Garcia-Bernard, nasé na Colón (Panamá) dia 12 di novèmber 1949.

E barku tabatin tres mashinista, respektivamente den e rangonan di promé, segundo i terser

mashinista. E promé mashinista tabata Antonio Casseres-Pendales, nasé dia 9 di yùli 1946 na Estima, Colombia. Segundo mashinista tabata Hernan Tobias Avedano-Guerra, un nativo di San Marcos, Colombia, ku fecha di nasementu 18 di yùni 1944. E terser mashinista tabata Juan Batista Mellizo-Rodriguez, nasé dia 15 di ougùstùs 1940 na Venecia Antioquia, Colombia.

E matrosnan tabata Rudolfo Archibold Borden (18-7-1930 Isla Providencia – Colombia), Edison Rancapio Hincapie-Borrero (10-2-1957 Santa Marta – Colombia), Edgar Araujo-Castillo (24-12-1948 Roble – Colombia), Gabriel Curvelo-Guerra (27-6-1947 Rio Hacha – Colombia), Rafael Angulo Antonio Castillo (1-9-1944 Buena Ventura – Colombia).

Kòki di Hilma Hooker tabata Ramon Antonio Rosario-Mazon. El a nase dia 29 di yùli 1950 na San Pedro de Macoris, Repùblika Dominikano.

Kapitan Vicente Robinson entre otro a deklará na personal di Servisio di Imigrashon i tambe Ofisina di Haf ora e barku a yega Boneiru, ku e intenshon tabata pa kue un kargashon di salu, pero e no por a splika ta na unda e mester a hiba e lote di salu.

E funshonarionan polisial boneriano a disidí di interrogá e kapitan den un forma superfisial, miéntras ku nan a papia tambe ku e diferente tripulantenan na bordo di Hilma Hooker. E interrogashonnan aki a lanta hopi interrogante, den sentido ku nan deklarashonnan tabata kontradi-sí otro, relashoná ku destinu di e barku.

E deklarashonnan kontradiktorio aki a lanta mas sospecho serka e kuater funshonarionan polisial ku tabatin algu ku no ta kuadra ku e barku. Nan a tira un bista na bordo, pero no a nota nada mas sospechoso.



Redensley Janga:

“Nos tambe por bai internashonal!”

KRALENDIJK -- E ta sobresalí den mundu di diseño di paña di moda. Redensley Janga tin 21 aña di edat, el a bai studia na Hulanda na aña 2017. Redensley ta studiando pa bira un diseñadó di moda. Esaki semper tabata su deseo. Na Boneiru tur hende tabata konosé komo ‘e gai ku stail’. Redensley, tirando bista riba loke e ta hasiendo, ta kere ku Boneiru tambe por bai internashonal den sektor di trahe di moda.



Redensley Janga

BONERIANO a papia ku Redensley: “Mi no tabata sa nèt nèt nada, ni siki- era kon pa sende un mashin di kose. Den e dos añanan ku mi tabata studia na Hulanda mi a siña hopi kos i ku tempu mi a krese den e aria di diseñadó di moda. A invitá mi na diferente show di moda, manera na Paris i Amsterdam. Mi plan semper tabata pa kuminsá ku mi propio liña di paña, ku pañanan apart i tambe pa tur tipo di persona, sin eksepsion di niun hende, pasobra tur hende ta igual. Nos tur tin derechi bisti loke nos ke!”

Stazje

Den último aña pa gradua Redensley mester a kore stazje. El a disidí di bai hasi esaki na Kòrsou. Serka e úniko i eksklusivo diseñadó Juan Carlos, mihó konosí komo Padrino. E diseñadó aki a pèrmitié usa su kreativitat manera e tabata ke i a lag’é eksplorá diferente idea.

Padrino a bisa Redens-

ley: “Tur e ideanan ku bo tin, bo por hasi nan realidat!”

E ta traha tur dia di nobo riba su liña ‘online’ ku yama ‘Deezzy_Design’ i a logra diseñá sigur sinku trahe pa su liña ku semper e tabata kier a krea. Tambe el a diseñá un shimis di gala pa Miss Kòrsou 2018, Akisha Albert.

Positivo

Redensley ta bisa: “Mi no a spera di haña asina tantu komentario positivo, hopi hende ta enkantá ku mi diseñonan i tambe nan ta hopi interesá den nan. Mi liña ta kresiendo tur dia di nobo, mi mes no por kaba di imaginá ku ta ami mes ta hasiendo tur e kosnan aki. Mi ta demasiado orguyoso di mi mes i tanten mi no bai internashonal ku mi diseñonan mi no ta stòp!”

“Mi meta ta pa mostra pueblo ku nos tambe por bira internashonal. Kisas no mesora pero ku trabou duru sigur ku si.”



Redensley huntu ku Padrino.

'Fiesta Sabor Krioyo' a pone tur hende riba pia

Gruponan krioyo a tembla Klup Boneriano



‘Anochi ku luna yen’ bon bishitá

Despues di kuater luna tabatin atrobe e aktividat kultural-literario 'Luna Yen'. Esaki tabata banda di kas di Tony Trinidad na Antriol. Fotonan ta duna un bista di e anochi.





Fittipaldi Pietersz:

Reglanan di COVID-19 masha prèt

KRALENDIJK -- "Kòr-sou su reglanan relashoná ku COVID—19 ta masha prèt." Esaki Edson (Fittipaldi) Pioetersz a opservá.

"Siman tras di lomba mi tabata aya i despues di a pasa algun kaminda mi a tuma nota di algu straño. Mi a pasa na misa na Buena Vista pa kumpra algun buki di orashon i a tira un bista den e misa, ku tabata promé bia ku mi a bishitá. Simplemente wak e edifisio i sigui mi ruta. Mi a tuma nota di un señora sinta na entrada di misa. El a bisami si mi ta keda pa misa e mester registrá mi, pasobra esei ta e regla."

"Mi a bis'é mi no ta keda misa, pues mi no mester registrá. Mi a bai santu sakrifisio di misa na Santa Famia den otro banda. Aya tabata e mesun situashon, pues ta registrá tur hende ku bai misa. Aparte di registrá mester tene kuenta ku e kantidat di hende ku ta partisipá na misa. Solamente un kantidat, esta 100 parokiano por bishitá misa."

Segun Edson Pietersz, el a komprondé ku algun pader a traha un lista di hende ku regularidat ta bishitá iglesia, pa asina solamente mester firma ku nan tabata presente. E sistema sigur ta hopi bon.

Pietersz: "Loke sí mi a haña straño ta ku na fiesta públiko no tin niun kontròl. Mi no sa ku ta tene kuenta ku kuantu hende por dren-ta den e edifisio. Loke mi sa sigur ta ku e lugánan ta mas chikitu ku misa, pero no ta registrá ken a bishitá e fiesta."

"Mi a pasa e proseso i bishitá e fiestanan, pues no ta kos ku hende a kontami. Mi a bai un 'night club' den Saliña i un otro na kaminda di bai Caracasbaai i niun momentu nan a pidimi pa registrá nada. Por a balia ku kualke persona sin tene kuenta ku distansia sosial. Mi a keda straño kon tin regla pa misa i otro aktividat ku kisas ta mas peligroso pa 'coronavírùs' plama, no tin niun regla."

Dushi tempu bieu



Edifisio di Bestuurskantoor dòrná pa un okashon spesial. (kolekshon Karl Mayer)

Programanan di Bonaire.tv Telbo kanal 70 Flamingo TV kanal 23 Djarason 05 Ougùstùs 2020


12:00 Herensia: Gilbert 'Boy' Wout	18:00 BAPA: Crisen Schorea
13:00 Aki Boneiru: Papito Antony 'Kareda di baiskel'	19:00 MNB: Henk Roozendaal i Herma Merx
14:00 Herensia: Pascual Felipa	20:00 Herensia: Leonard Albert Floridas
15:00 BAPA: Milton Koeks	21:00 Aki Boneiru: Classical Music Board Benefietconcert 2019
16:00 Herensia: Carlos Smith	23:00 Herensia: Norman Andres Suares
17:00 Aki Saba: Rolando Wilson	

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.



Hendenan di Boneiru

CHILAN



Esaki tabata e legendario Chilan. Su nòmber ofisial tabata Thomas Marianus Muller, nasé dia 24 di sèptèmber 1899. E adrès na unda el a biba tabata Nort di Saliña nr. 434, awendia Kaya Kasike. Chilan ta desendiente di Lodewijk Muller,

un persona ku probablemente a yega e islanan aki den servisio militar den e tempu ku Hulanda a tuma e islanan aki bèk for di Inglatera na 1816. E persona aki tabata protestant. Na 1836 e tabata notá komo forlestu, kòster i batidó di klòk na Kèrki.

E ofishi di Chilan tabata karpinté, spesialisá den konstrukshon di barku. Durante su bida Chilan a traha den konstrukshon di barku na tur e klepnan unda tabata traha barku. El a traha na e klep di Kachi Craane, José (Pa Djedje) Marchena, Tuchi Martijn i Shon Zjil Hellmund. Asta el a traha riba e barku Pioneer ku Shon Zjil a traha na Kòrsou.



Chilan te na último ainda a hasi trabou di karpinté na e bapor Niagara di famia Marchena. Kada bes ku e bapor aki tabata na Boneiru e tabata bai hasi trabou di mantenshon.

Den dékada sesenta Chilan Muller a traha den konstrukshon di Danny's Bierhuis na Nort di Saliña. Danny Nicolaas tabata kasá ku Tecla, un dje yu muhénan di Chilan. Marvel Tromp-Muller, viuda di Niki Tromp, tambe ta un yu di Chilan, kende tabata kasá ku Atancia.

MONCHI & TONCHI

Desde ku Coronavírùs a bini tur kos den mundu a bira virtual....

Awèl sí. Ansioso pa sa si por traha yu virtual tambe.



KOLOFÓN

Editor Extra-Boneiru i Boneriano
Bonaire Communication Services N.V.
Kaya Irlanda# 12, Tel. 717-8482
E-mail: extrabon@gmail.com
Wèpsait: www.extraboneiru.com

Direktor-hefe di redakshon
Bòl Antoin
786-6818
e-mail:
b.antoine.extra@gmail.com

Ko-direktor
Shirley Martis
785-3824 / 796-3824
e-mail:
shirleymartis2001@hotmail.com

Redakshon
Papi Antoin
(redakshon final)
Selular 700-0145

Ludovico Nicolaas
786-7978
Ibi Piar (deporte)
786-0200

Reportero-Fotógrafo Rincon
Crusita Thielman
796-1236

Aviso
Davienuska Janga
avisobon@gmail.com

Layout
Davienuska Janga

Kiko Beibel ta bisa tokante palabranan malu i groseria?

Palabra malu no mester ser usá di ningun manera pa un kristian

Pa: P. Modesto Lule Zavala msp

Nan ta konosí komo pal-
abra malu, groseria, pala-
branan ku ta zona grandi,
vulgaridat, insulto i den al-
gun lugá manera karni. Nan
ta diferente forma pa duna di
konosé e palabra ei ku ta laga
sinti den forma despresivo
un akto, persona òf kos. Ku
frekuensha palabra malu ta
referí na seksualidat, na may-
ornan, aparenzia, inkapasidat
fisiko òf kapasidatnan men-
tal di e persona.

Loke ta ofensivo tambe
por ta ku intenshon, ku esaki
mi no ta ekskusa na esnan
ku ta buska sosten den e fór-
mula grasioso i ta hustifiká
nan mes kuné.

Na ora di bisa intenshon
ta den e konsepto ku tin na
tal lugá un palabra di uso ko-
mun sea pa un pais, un kul-
tura. Ta mashá normal den
paisnan di Latinoamérica ku
tin un mesun idioma di tin
diferente nifikashon di un
palabra, pero ku un sentido
den okashonnan kompetidor.

Palabranan malu no
mester ser usá di ningun
manera. Bèrdat ta ku hopi be
nan por sali ora e persona ta
haña su mes iritá i no tin
dominio di su mes. Ora esa-



ki sosodé mester laga tempu
pasa di manera ku e ánimo
ta kalma i

ta pidi pordon. E tipo di
palabranan akí regularmente
ta ser pronunsiá dor di ko-
mpleho òf pa yama atenshon.
Den kualke di e kasonan un
kristian nunca mester mens-
honá nan.

Poko dia pasá un perso-
na a skirbimi kontando ku un
integrante di Iglesia a bisa
ku e tabata di mente habrí i
no tabata eskrupuloso, pa

mesun kos e tabata pidi pa
otroan tabata di kriterio
habrí pa no huzge di forma

fásil, ya ku e kaso ta
meresé bisa e palabra malu
.No tin ningun kaso ku ta
meresé bisa, ni pensa pala-
bra malu, pasobra nos ta
yunan di Dios i nos mester
komportá nos mes komo tal.
Beibel ta bisa:

«Un bon hende ta saka kos
bon for di mangasina di su
kurason; un mal hende ta saka
kos malu for di mangasina di

su kurason. Pasobra boka ta
papia loke kurason ta yená
kuné.» (Lk. 6, 45)

Semper ta siña groseria
na un lugá i ku un tipo di per-
sona. Loke ta importante ta
di ser konsiente i buska man-
era di kambia e ambiente
p'asina pa esaki no kambia-
bu.

«Esun ku hunga ku lodo,
ta susha su man.» (1 Kor. 15,
33).

Na kontinuashon mi ke
bisa un diskurso tumá literal-
mente di e Palabra di Dios.
Un persona lo por bisa, ku ta
e pader akí ya no ke pa nos
papia palabra malu, pero no
ta ku ami no ke, Dios ta Esun
ku ta señal'é den su Palabra.
E siguiente sitanan bíbliko ta
kla i simpel:

«No ta pas pa esnan ku
ta pertenesé na e pueblo san-
tu hasi ni menshon mes di kos
manera inmoralidat, kualke
tipo di impuresa òf envidia!
Tampoko no ta pas pa papia
palabra grosero, papia kos di
loko, konta chiste indesente.
Ma al kontrario gradisi
Dios.» (Ef. 5, 3-4)

«Laga boso kòmbersas-
hon ta ameno i ku stansha;

sòru pa boso tin un kontesta
kla pa ken ku puntra algu.»
(Kol. 4, 6)

«No usa palabra fo'i sla;
laga loke boso papia ta útil,
konstruktivo i na su lugá, bon
pa yuda esnan ku ta.» (Ef. 4,
29)

«Pero awor akí boso
mester stòp di rabia, di bira
furioso, di hasi maldad, di
kalumniá, di papia palabra
baho.» (Kol. 3, 8)

«Spiritualmente mester
bini un kambio den boso
moda di pensa 24i boso
mester biba manera hende
nobo, kreá segun imágen di
Dios, hende ku ta biba un
bida rektó i hustu, inspirá pa
bèrdat.» (Ef. 4, 23-24)

«Mi ta bisa boso: riba
dia di huisio, hende lo mester
duna kuenta di kada palabra
sin sentido, ku nan a yega di
papia. Pasobra ta bo mes pa-
labranan lo demostrá si bo
ta inosente òf si mester kon-
dená bo.» (Mt. 12, 36-37)

Manera ya nos a mira i a
skucha den e Palabra di
Dios, nos ta haña koreks-
hon pa nos manera desviá di
aktua. Laga nos ta koherente
i semper buska pa aktua
manera yunan di Dios.

Mito di libertat apsoluto

Tin be nan ta papia di lib-
ertat di un manera asina ek-
sagerá, ku un persona por tin
e impreshon di ku ta pre-
tendé present'é komo apso-
luto. Ta pesei di libertat
apsoluto ta totalmente im-
posibel. Laga nos kuminsá
ku bisa kiko e asina tantu lib-
ertat apsoluto eksagerá lo ta
ku algun ta para pe, pero ei
komprondé e dikon esaki no
por funshoná.

Hasi loke mi tin gana?

Mesora algun ta kere ku lib-
ertat ta hasi loke nan ke.
Masha bunita, pero. Masha
bunita pasobra ta suponé ku
si mi por hasi tur loke mi ke
mi por bai hasi tur loke mi
gusta, pues lo mi haña mi
mes semper bon, pues sem-
per lo mi tin un tempu ma-
ravioso masha dushi mes.
Esun ku pensa asina ta kon-
dená na duna su mes gòlpi-
nan den kabes, pasobra e no
ta asina fásil di hasi semper
loke nos ta gusta. Pero bon,
ta posibel ku algun ta logra.

E problema ta, i kon nan ta hañ'é?

Analizando e kosnan bon
nos ta nota ku algun ta logra
hasi, si no tur, al ménos hopi
di kosnan ku nan ta gusta pa-
sobra, pesei, nan ta laga
otroan paga un preis haltu.
Ke men, ku pa ku persona
por sali di esaki, otroan
mester karga e konsekuensi-
anan. Tin hendenan, por
ehemplo, ku tin masha hopi
plaka. Poko ta, sin embargo,
esnan ku a hañ'é den forma
totalmente honrá. Nan, natu-
ralmente, lo bisa ku tur esa-
ki tabata produkto di nan es-
fuerso i trabou – i mi no ta
duda ku e ta den algun kaso
-, pero generalmente ta logra
kapitalnan grandi a base di
kita loke ta pertenesé na
otroan. Libertat, pa ku e ta
berdadero, nunca lo por ta
apsoluto, pues esaki lo nifiká
ku lo kita tur responsabili-
dat di e ser humano i
oblig'é, ademas, na biba den
kompleto soledat.

Libertat i komunión

For di e momento den kua
un ser humano ta drenta den
komunión ku algun di su se-
mehantenan, e ta enrikesé su
mes ku tal relashon, dis-
frutando di loke e otro a
aportá na dje. E komunión
akí, ora e ta outéntiko, ta
nifiká a kambio mester sakri-
fiká algu: parti di e propio
libertat.

Esaki asina pasobra si nos
komprondé libertat bon nos
mester rekonosé ku tur indi-
viduo tin e mesun derecho na
dje, di moda ku libertat di un
persona ta limitá esun di
otroan. Un persona no a ris-
ibí libertat pa abusá di dje,
pues libertinahe ta perhudiká
un persona nesariamente.
Al kontrario, libertat ta un
don ku a ser duná na nos pa
kompartí ku otroan i disfrutá
plenamente di nos derecho-
nan. For di e momento ku ami
a amplia mi libertat a base
di oprímí otroan, no únika-

mente mi a kita libertat di nan
sino ku mi a redusí òf destruí
e propio, pasobra ningun
hende por ta liber den opre-
shon i abuso ehersé en kon-
tra di su próhimonan.

Límitenan di libertat

Ami ta liber pa gana plaka,
pero no kosto di otroan.
Ami ta liber pa papia tur loke
mi ke, pero nunca pa kalum-
niá òf bisa falsedatnan òf
palabranan dañino òf des-
honesto. Ami ta liber pa krea
un empresa, pero no pa ek-
splotá obreronan i emplea-
donan. Ami ta liber pa grita,
pero no pa kita deskanso na
otroan. Ami ta liber pa sti-
ma, pero no pa utilisá otro-
nan komo instrumento di mi
luho. Ami ta liber pa
negosiá, pero nunca pa gaña
otroan a fin di gana mas.
Ami ta liber pa disfrutá di
bida, pero no si ku esaki
ofendé Dios òf mi rumannan.
Hopi hende ta reklamá,

proklamá i defendé libertat,
pero si nos analisá un poko
nan aserkamentu nos ta duna
kuenta di ku nan ta pensan-
do únikamente riba loke ta
konserní nan mes, pues nan
no ta kere ku tur hende tin
igual derecho. Asina, ta
lucha pa libertat di empre-
sa, di prensa, di domisilio,
di ekspresá bo mes di akuer-
do ku e propio pensamentu,
etc., etc.

Ku tur esaki, nunca nos lo
por proklamá un estado di
berdadero libertat si no ta
eksistí un igualdat di opor-
tunidatnan pa tur hende. Ka-
minda únikamente algun
poko por tin empresanan,
nan por papia libremente,
nan por move ku tur fasili-
dat i ehersé nan derechonan
ampliamente, e berdadero
libertat no ta eksistí.
Hòmbenan no por ta mas
liber ku muhénan; esnan
blanku mas ku esnan pretu;
katólikonan mas ku protes-
tantnan; esnan di nort mas ku

Torneosòftbòl “Liga Si Nos Ke Nos Por” ta kuminsá djaweps awó

KRALENDIJK-Mane-
rayanos a bin ta inform-
abuoyenteifanatikada di e
deportesòftbòl, awe nos ta
bisabuku tur kos ta kla pa e
torneo di sòftbòl di Liga Si
Nos Ke Nos Por, rankasali-
djawepsawónaJossyBoek-
houdt Ballpark na Tera
Kòrá.

Djawepsawó 7or anochi
e torneo ta kuminsá pa loke
ta supromé fin di siman di
e ocho fin di simannan di e
torneo, 2 lunapues di sòftbòl
di e ligaaki, ku un pouze pa
dunaespasionaotroaktivi-
datnan di sòftbòlnaJossyB-
oekhoudt Ballpark.
Awe nos ta dunabu e

skema pa e promé fin di si-
man di e torneo.

Djaweps 6 ougùstùs
2020.

19:00 Blue Jays vs Niki-
boko Real Stars.

20:30 Brandweer vs
JICN.

Djabièrnè 7 ougùstùs
2020.

19:00 New Angels vs
Crusher Honeys.

20:30 Rementá vs Coco-
nut Carwash.

22:00 Marlins vs Ener-
gizer.

Djasabra 8 ougùstùs
2020.

11:00 Yellow Birds vs
Dynamite.

12:30 The Brothers vs
Dragons (50+).

14:00 Explosion vs Black
Ice.

15:30 Nos Ku Nos vs
Happy Vets (50+).

17:00 Red Sox vs La
Amistad.

18:30 The Crusher vs
Blue Jays.

20:00 Web vs Fun-

dashonMariadal.

21:30 La Sonrisava
Predators.

Djadumingu 9 ougùstùs
2020.

11:00 Duane vs JICN.

12:30 Nos Ku Nos vs
Union Dominikano (40+).

14:00 New Angels vs
Rincon Diamonds (fem).

15:30 Marlins vs Niki-
boko Real Stars.

17:00 Rementá vs HDW
Construction.

18:30 Explosion vs Co-
conut Carwash.

Éksitona e ekiponan den
e torneoaki di 8 fin di si-
man.

Shelu tabata karné karné



*Djaluna último for di 7'or di anochi tabatin un bunita bista
na shelu. Segun kerensia di grandinan, esaki ta nifiká ku
mucha ta bai muri. Riba foto por mira un bunita bista saká
8'or di anochi pa Chula di BONERIANO.*

AMOR ÒF DUELE?

Skritura: Romanonan 5:8

“...ku tempu nos tabata pekadá ainda, Cristu a
muri pa nos.” V. 8 (BS)

Ora ku un pididó di limosna aserká bo pa pidi bo
sèn, e ta hasi un apelasion riba bo sintimentu di
duele. P’esei, su aparensia, palabranan, historia ta
hasi bo tristu. E ta probechá e tempu di un minüt pa
impaktá bo sintimentunan i pa motivá bo pa dun’é
algu. Djis pasobra el a logra ku den bo mente bo a
pensa: “Ai piká...pobersitu, mi ta sinti duele di dje.”
Si e mésun persona akí bini serka bo ku un arma
pa pidi bo sèn, e lo ta un atrakadó, i e lo no traha
riba bo sintimentu di duele, sino esun di miedu. Si e
persona bini ku un abogado, ya e no lo ta pidiendo
bo algu, sino eksigiendo. I si e bini ku un produkto
òf servisio, ya e no ta pidiendo, sino bendiendo bo
algu. Di otro banda, si un persona ku nos ta stima
hopi yega serka nos pidiendo algu, nos deseo di
mas grandi ta pa komplas’é i dun’é mésora. Kiko
ta laga nos reakshoná di e forma akí? Ta amor. E
personanan ku nos ta stima, no mester laga nos
sinti duele di nan, òf mustra un arma di kandela riba
nos, òf hiba nos dilanti di un abogado pa eksigui
nos algu. Djis nos mester kultivá i mantené e amor
ku ya nos tin p’e.

Dios no a nenga nos Su Yu unigénito, sino ku El a
entreg’É pa nos, pa motibu di e amor tan grandi ku
E tin pa nos. Kon E lo no duna nos e otro kosnan
ku nos mester? Ta manera bo tata a duna bo un
kas, un outo, un negoshi i sèn na banko, kon E no
lo duna bo algu mas ku bo tin mester?

**Saká for di: Alimento Pa E Alma, un
produkshon
di Trans World Radio Bonaire.**

Studiantenan rumbo pa Hulanda

KRALENDIJK— Awe mèrdia un grupo di studiante ta sali pa Hulanda pa sigui ku nan estudio. Manera ta tradishon tur aña tin un grupo ta bandoná nos isla pa sigui pa un mihó futuro. Den e kaso di awe mester bisa ku e studiantenan por kuminsá chek in for di algu pa 2 di mèrdia.

Di parti di gobièrnu ta rekomendá un i tur pa ta na tempu sigur mirando tur e

kontròlnan di seguridat ku mester pasa. Tambe ke kòrda e studiantenan pa kòrda di tin nan `mondkapje`, hunto ku nan. Normalmente e studiantenan lo a imigrá for di luna di yùli, pero situashon di Covid a pone ku a posponé esaki te ku awor. Pa loko ta reglanan ku mester tene kuenta kuné BIA ta pidi pa kòrda riba e distansia sosial.

Banda di esaki mester

tene na kuenta ku solamente e estudiante por yega na e parti di salida. Famia no ta permití mas pa yega na e parti aki. Por keda na e parti dilanti na e bar i tambe kaminda taxistanan ta para. Pues pa tene bon kuenta ku esaki. Di parti Boneriano nos ke deseá tur studiante èxito ku nan estudio i spe- ra di mira boso bèk riba nos dushi isla.

Jalvicar B.V.

ta buska

3 automonteur

- mester tin 3 aña di eksperensia

Pa mas inf. por yama **717-3163**

JOB OPPORTUNITY

Language Translator Specialist

Company: BONAIJ Adventure Tours B.V.

Description:

Manage all correspondence in Arabic and Italian. Daily tour planning with Italian and Arabic speaking guest. Planning and organizing customers event. Work close with Italian and Arabic tour operator. Meet - and greet guest at ports arrival. Function as translator for Italian and Arabic speaking guest.

Requirements:

MBO- and Higher. Diploma in public speaking. Tour guide certification. More than 2 years in similar function. Computer skills in Microsoft. Must be able to stand long hours. Guest friendly. Must be able to work on holidays and weekends.

To apply mail CV to: info@bonaij.com

Extra su kolega di mas yòn a bai sigui studia

KRALENDIJK—Yair Hormechea tabata nos kolega di mas yòn na Extra i FuHiKuBo. E tabata registrá i skèn video i potrèt- nan di ántes pa FuHiKuBo. Tambe e tabata traha layout di Extra. Yair a hasi diferente trabou serka nos. Sigur el a duna un bon man.

Awor ku el a kaba su MAVO, Yair a disidí di bai sigui studia Hulanda den e direkshon di 'game development', loko ta algu sigur hopi diferente ku e tabata hasi serka nos. Pero loko el a bai sigui studia p'e ta algu ku e ta gusta masha hopi mes. Sigur Yair ta bai hasi hopi falta den ofisina, nos a kustumbrá asina tantu kuné. E ta semper kla pa duna un man si bo mester di yudansa.

Djabièrnè siman pasá nos a tuma despedida di dje. Tabata un momentu ku nos tur a sinta hunto i a kòmbersá un ratu. Nos tur a dese'é tur kos bon den su etapa nobo di bida.



Riba foto por mira yair ku su mama i koleganan.

Orkidia ta floria den kurá di kas

KRALENDIJK-- Boneiru tin un sorto di orkidia ta krese den mondi. Atraves di tempu tin hende a pega nan tambe na kas. E no ta sosodé hopi, pero biaha nan ta saka flor. Ta haña e orkid-ianan aki spesialmente den e anterior plantashi Colombia. Huntu ku e artíkulo aki por mira foto di un orkidia ku a saka flor e siman aki den un kurá di kas.

Pa haña sa mas di orkidia mi a habri e buki 'Arnoldo's Zakflora', e beibel di palu i matanan den nos naturalesa. Nos flora. Riba página 264 di e buki aki por haña informashon tokante orkidia.

Tin mas ku un sorto di orkidia riba nos islanan ABC. Na Boneiru, segun e buki aki, tin ún sorto, pero tin ademas un espesie ku nos ta yama orkidia, pero ku en realidat mo ta un ta orkidia.

E orkidia ku tin den naturalesa boneriano ta Brasavola sodosa. E ta krese den palu. No solamente den palu normal, sino tambe den palu di kadushi por

topa ku nan. Por hañé na tantu Aruba, Kòrsou komo Boneiru. Rubianonan ta yamé orkidia di mondi. Na Kòrsou ta yamé orkidia blanku. Koló di su flornan ta blanku òf den direkshon di blanku.

Kòrsou ta mas riku na orkidia ku Aruba i Boneiru. Nan tin por ehèmpel un orkidia ku ta krese riba

suela. Su nòmber sientífiko ta Oeseo clader maculata. Por hañé tambe na Afrika, Karibe i na Sur i Sentral Amérika. Zakflora ta mensioná ku e tipo di orkidia aki ta 'verwilderd'. Ta hañé den besindario di e seru Christoffel - Kristòf na Kòrsou. No tin masha aña ku a deskubrí e sorto aki.

Mas aleu Kòrsou tin un

sorto di orkidia ku ta krese riba baranka. Su nòmber sientífiko ta Polystachya foliosa. E tambe por topa den besindario di Christoffel. Den paisnan di Amérika Sentral i Sur Amérika tambe ta haña e tipo di orkidia aki.

Orkidia ta un mata ku ta gosa di protekshon di lei. Tin sankshon tambe pa

hendenan ku kita orkidia for di palu den mondi i pega na nan kas. E pegamentu ta relativamente fásil. Despues di tempu e raisnan ta pega. Tambe por pone nan den e makutunan ku sa usa pa varen.



Unda ku bo bira EZ AIR bo ta mira! Esun mas kumbiniente.

Nos ta bèk tur-tur!



EZ Air tin buelo diario entre Bonaire, Curaçao i Aruba

KAYA ITALIA 1, KRALENDIJK, BONAIRE • 717 1900 - 561 1900 • info@flyezair.com

Bishitá nos ofisina na Kaya Italia 1, Kralendijk pa kumpra bo pasashi pa Aruba òf Kòrsou òf bishitá nos' website: www.flyezair.com.

EZ Air

The Easiest Way to Fly

sigui nos  ez air

www.flyezair.com

**Un dia manera awe:
05 di ougùstùs**

- E artista Stevie Wonder ta firma un kontrakt na balor di 13 mion dòler ku e kas diskero Motown. Artistanan manera 'The Supremes', Diana Ross i tambe Marvin Gaye tambe tabata afiliá na esaki. A firma e kontrakt na aña 1975
- E promé barku spañó, San Carlos, ta drenta San Fransisco bay na 1775
- Na 1966 manifestantenan na Chicago ta tira piedra riba Martin Luther King Jr.
- 1891 tabata e aña ku a emití e promé chèk pa biahero (American Express)
- Ta nase na 1930 e pilot i astronaut merikano Neil Armstrong. Armstrong ta bira e promé persona ku ta pone pia riba luna.